



資治通鑑綱目

正編
三十七

內閣文庫			
番號	漢	1837	
冊數	107 (56)		
函號	列	6	1





資治通鑑綱目卷之三十七

明史官陳仁錫評閱

起戊辰隋煬帝大業四年○盡戊寅七月凡十年有奇

戊辰四年春正月開永濟渠

發河北諸軍百餘萬衆穿永濟渠引沁水南達于河北通涿郡丁男不供始役婦人

〔覽〕沁水在懷州北源出上黨羊頭山或曰沁水出并陘東山海經云謁戾之山沁水出

焉今澤州有沁水縣因水名之〔質實〕一統志云永濟渠在東昌府館陶縣西二里漢

興

勞民之甚

名屯氏河隋疏為永濟渠亦曰御河源自衛輝府輝縣東北流至臨清與會通河合流入于海沁水源出沁州心源縣綿山穿太行達濟源經武陟入黃河元郭守敬言沁河雖澆灌猶有漏堰引其餘水東流至武陟縣北合流入于御河灌田二千餘頃河北黃河之北注見晉安帝義熙十三年涿郡注見漢帝玄更始二年

以元壽為內史令○二月西突厥入貢

裴矩聞西突厥處羅可汗思其母請遣使招懷之帝遣謁者崔君肅齎詔諭之處羅甚踞受詔不肯起君肅謂之曰突厥中分為二每歲交兵積數十歲莫能相滅今改民舉其部

能

落卑躬折節入臣天子欲借兵大國共滅可汗天子許之師出有日矣顧可汗母向夫人懼西國之滅旦夕守闕哭泣哀祈匍匐謝罪請發使召可汗令入內屬天子憐之故復遣使至此今可汗乃踞慢如是則夫人為誰天子必伏尸都市傳首虜庭發大隋之兵資東國之衆左提右挈以擊可汗亡無日矣柰何愛兩拜之禮絕慈母之命惜一語稱臣使社稷為墟乎處羅矍然而起流涕再拜跪受詔書因遣使者隨君肅貢汗血馬

集覽

守闕守去聲詣也矍然質實謂者注見漢高后三年折節注

見周赧王元年匍匐注見齊主寶卷永元元年扶匐社稷注見新莽天鳳元年汗血馬注

見漢武帝
元鼎二年

三月倭國入貢

倭王遺帝書曰日出處天子致書日沒處天子無恙帝覽之不悅詔鴻臚蠻夷書無禮者勿集覽倭國注見唐高宗龍朔二年質實鴻臚官名注見漢武帝太初元年

帝如五原遂巡長城

行宮設六合板城載以槍車每頓舍則外其轅以為外圍內布鐵菱次施弩牀以繩連機

祖車戰法

人來觸繩則弩機質實五原郡名注見漢宣帝甘露二年

夏四月營汾陽宮

帝無日不治宮室兩京及江都苑囿雖多久而益厭乃備責天下山川之圖以求勝地因營是質實汾陽宮注見大業十三年江都縣名注見漢獻帝興平元年

齊王長史柳謩之有罪除名

初元德太子卒齊王暕次當為嗣元德吏兵二萬餘人悉隸於暕帝為之妙選僚屬以柳謩之為長史且戒之曰齊王德業修備富貴自鍾卿門若有不善罪亦相及暕寵遇日隆

興

修

退

驕恣不法，昵近小人。樂平公主嘗言柳氏女美，帝久未答。主以進，陳帝復問知之，不悅。陳從幸汾陽宮，大獵，大獲麋鹿以獻，而帝未有得也。乃怒，從官皆言為陳左右所遏，帝於是發怒，求陳罪。時制縣令無故不得出境，陳幸伊闕，令皇甫詡携之至宮，御史韋德裕希旨劾之。帝令甲士大索陳第，因窮治其事。陳妃韋氏早卒，陳與妃姊元氏婦通，召相工遍視後庭，相工指妃姊言當為皇后。陳以元德太子有三子，恐不得立，陰挾左道為厭勝。至是皆發，帝大怒，斬陳左右數人，賜妃姊死。王府僚皆斥邊遠，謫之亦坐除名。時趙王杲尚幼，帝謂侍臣曰：「朕惟有陳一子，不然者當肆之。」市朝以明國憲，陳自是恩寵日衰，不復預政。

帝恒令虎賁郎將一人監其府事，所給左右皆以老弱備員而已。

集覽

虎賁郎將

注見新莽

質實

樂平縣名，注見宋文帝元嘉十三年。伊闕山名，注見周威

烈王十五年。左道，注見漢成帝永始二年。厭勝，注見宋明帝泰始四年。肆之市朝，周禮注

有罪既殺，陳其尸曰肆。市朝，不過連言之左。傳晉殺三郤尸，諸朝殺董安于尸，諸市賤者

在市也。又大夫以上於朝士以下於市。趙國名，注見漢景帝三年。

質實

驕恣不法，昵近小人，齊王之罪也。罪

書曰：有罪除名，其為臣下不匡之戒深切矣。

典

置城造屋於萬壽戍以處突厥啟民可汗

質實

可汗注見漢後
主景耀四年

書法 特筆也書處降多矣未有書置城造屋者書置城造屋譏敝內也辭繁弗

殺綱目之意見矣

○秋七月復築長城

發丁男二十餘萬築之自榆谷而東

質實

一統志云長城在臨洮府城北史記秦始

皇遣蒙恬發兵三十萬北築長城萬里起自臨洮即此處榆谷注見漢章帝章和元年

勞民

備邊

書法

隋於是凡四書矣故書復復也者不巳之辭也終綱目書築長城十詳秦

始皇三十三年隋居四焉用民如此欲不亡得乎舍是無書築城者矣

裴矩以鐵勒擊吐谷渾大破之

裴矩說鐵勒使擊吐谷渾大破之吐谷渾可汗伏允遣使求救帝遣安德王雄許公宇文述迎之吐谷渾畏隋兵盛不敢降帥衆西遁述追之拔曼頭赤水二城獲其王公以下二百人伏允南奔雪山其地東西四千里南北二千里皆置郡縣鎮戍天下輕罪徙居之

質實

鐵勒高車部號注見宋文帝元嘉七年吐谷渾西域國名注見晉元帝建武元

六

通鑑綱目

隋煬皇帝大業四年

五

正編

年〔安德〕郡名注見陳宣帝太建八年〔許縣〕名注見漢光武建武八年

質實 韋雲起以突厥兵書遣大業元年此其不書遣何矩專也自矩開邊中國

罷敝以至於亡直書 裴矩以鐵勒罪之也

九月徵天下鷹師

至者萬餘人

冬十月赤土入貢

赤土南海中遠國也帝遣使齋詔賜之泛海百餘日入境月餘乃至其都其王居處器用

國勢

窮極珍麗 遣子入貢

質實

赤土國名 未詳沿革

遣將軍薛世雄擊伊吾降之

質實

伊吾郡名注見漢明帝永

平十五年

五年春正月改東京為東都○詔均天下田

○禁民間兵器

鐵又搭鉤積亦之類皆禁之

集覽

積刃積祖管反鋌也鋌音蟬小稍也

三月帝巡河右夏四月遣兵擊吐谷渾不克西

除

兵

域諸國來朝獻地置西海等郡

三月西巡河右，四月出臨津關，陳兵講武，將擊吐谷渾。五月至浩疊川，吐谷渾可汗伏允帥眾保覆袁川，帝分命內史元壽等圍之。伏允遁去，遣其名王詐稱伏允保車我真山，詔大將軍張定和、光祿大夫梁默等追討，皆為所殺。獨衛尉卿劉權出伊吾，至青海，虜獲千餘口，追奔至伏俟城而還。初，帝嘗謂給事郎蔡徵曰：自古天子有巡狩之禮，而江東諸帝多傳脂粉，坐深宮，不與百姓相見，此何理也？及將西巡，命裴矩說高昌王麴伯雅及伊吾土屯設等，啗以厚利，召使入朝。至是，至燕支山，伯雅、吐屯設等及西域二十七國謁於道。

廣地不務廣德
隋業所以驟衰

左：帝復令武威張掖士女盛飾，縱觀以示中國之盛。車服不鮮者，郡縣督課之。吐屯設獻地數千里，帝大悅，置西海、河源、鄯善、且末等郡，謫天下罪人為戍卒以守之。命劉權鎮河源郡，積石鎮，大開屯田，并禦吐谷渾，以通西域之路。進裴矩、銀青光祿大夫。是時天下凡有郡一百九十，縣一千二百五十五，戶八百九十萬有奇，東西九千三百里，南北萬四千八百一十五里。隋氏之盛，極於此矣。自西京及西北諸郡，皆轉輸塞外，歲鉅億計。或遇寇釁，死亡不達郡縣，皆徵破其家。由是百姓失業，西方先困矣。初，伏允使其子順來朝，帝留不遣。至是，伏允敗走，帝立順為可汗，遣之，不果入而還。

集覽

浩疊注見漢宣帝神

爵元年吐屯設突厥大臣凡二十八等其一曰吐屯其俗謂別部典兵者曰設時西突厥強盛西域諸胡皆臣之突厥各遣吐屯監之督其征賦故伊吾國有吐屯設燕支山伊吾國中地漢時匈奴中焉支山也燕焉並音烟焉支山注見漢武帝元狩二年且末注見宋文帝元嘉十八年

質實

臨津關未詳處所青海縣名注見唐高宗鳳儀三年高昌

西域國名注見齊明帝建武四年巡狩晏子曰天子適諸侯曰巡狩巡狩者巡所守也注巡所守者巡行諸侯所守之士也又云巡所守者自上察下也西域國名注見漢宣帝神爵二年武威郡名注見漢光武建武十年張掖郡名注見晉安帝隆安元年西海郡名注

見漢和帝永元十四年河源郡名未詳處所鄯善郡名注見漢武帝元鼎三年積石鎮注見唐太宗貞觀九年銀青光祿大夫從三品之官名寇鈔注見漢光武建武十五年

冬十一月還東都

以隋時之法而有此行幸其可輕乎

車駕東還行經大斗拔谷山路隘險風雪晦冥文武饑餒沾濕士卒凍死者大半後宮妃主或狼狽相失與軍士雜宿山間

質實

大斗拔谷山注見唐玄宗天寶六年狼狽

注見漢獻帝初平三年

以裴蘊為御史大夫

進

失刑

民部侍郎裴蘊以民間版籍多脫漏戶口詐注老小奏令貌閱若一人不實則官司解職又許民糾得一丁者令被糾之家代輸賦役是歲進丁二十四萬口六十四萬帝謂百官曰前代無賢才致此罔冒今戶口皆實全由裴蘊擢授御史大夫與裴矩虞世基參掌機密蘊善候伺人主微意所欲罪者則鍛成其罪所欲宥者則附從輕典是後大小之獄皆以付蘊輕重皆由其口人不能詰

質實裴蘊河東聞喜人

突厥啓民可汗死立其子咄吉爲始畢可汗

質突厥北狄國名注見梁武帝大同十一年

始畢表請尚公王詔從其俗

失刑

殺司隸大夫薛道衡

道衡以才學有盛名自潘州刺史召還上高祖頌帝不悅曰此魚藻之義也拜司隸大夫將罪之司隸刺史房彥謙勸以杜絕賓客卑辭下氣道衡不能用會議新令久不決道衡謂人曰向使高頰不死令決當久有人奏之帝怒付執法者推之裴蘊奏道衡負才悖逆有無君之心縊殺之妻

集覽魚藻之義詩魚藻刺幽王也言

萬物失其性故君子思古之武王焉注魚以依蒲藻爲得其性今王政教衰羣生不得其

所故思古之武王也。今煬帝謂薛道衡之頌高祖，是亦思武王之義。

質實 潘州未詳

沿革司隸官名注見漢元帝永光元年

庚午 六年春正月盜入建國門

有盜數十人，素冠練衣，焚香持華，自稱彌勒佛，入建國門，奪衛士仗，將為亂。齊王暕遇而斬之，於是都下大索，連坐者千餘家。

諸蕃來朝陳百戲于端門以示之

帝以諸蕃酋長畢集洛陽，陳百戲於端門街，執絲竹者萬八千人，自昏達旦，終月而罷。所

胡客洞見
隱

費鉅萬，自是歲以為常。諸蕃請入豐都市，交易許之。先命整飾店肆，盛設帷帳，珍貨充積，人物華盛。胡客過酒食店，悉令邀入，醉飽而散，不取其直。給之曰：中國豐饒，酒食例不取直。胡客皆驚歎，其黠者頗覺之，見以繒帛纏樹，曰：中國亦有貧者，衣不蓋形，何如以此物與之。纏樹何為？市人慙不能答。帝稱裴矩之能，謂羣臣曰：裴矩大識朕意，凡所陳奏皆朕之成筭，而未發者，自非奉國盡心，孰能若是。是時矩及大將軍宇文述、內史侍郎虞世基、御史大夫裴蘊、光祿大夫郭衍，皆以諂諛有寵。述容止便辟，侍衛者咸取則焉。衍嘗勸帝五日一視朝，曰：無効高祖，空自勤苦為也。帝臨朝凝重，發言可觀，而內存聲色，日於苑中

淫穢極矣

林亭盛陳酒饌敕燕王倓與梁公蕭鉅千牛
左右宇文勗及高祖嬪御為一席僧尼道士
女官為一席帝與諸寵姬為一席畧相連接
酒酣殺亂靡所不至楊氏婦女之美者往往
進御勗出入不限門禁妃嬪公主皆醜聲
帝亦不之罪也

集覽

百戲音

魚龍爛漫俳優侏儒山車巨象板井種瓜殺
馬剝驢等奇恠異端百有餘物名為百戲千
牛左右官名也又千牛注見大業十三年勗
胡了反道士大霄琅書經曰士者何理也從
道為事故稱道士女官官
質實 酋長注見新
或作冠謂女為道家者流
質實 莽始建國二
年酋豪洛陽縣名注見周顯王三年燕國名
注見唐高祖武德四年幽州梁郡名注見漢

後主延熙十
八年宋國

書法

凡書戲譏也以
示諸蕃深譏之

遣兵攻流求殺其王虜其眾以歸

帝遣使招撫流求不從遣虎賁郎將陳稜發
兵泛海擊之斬其王遏刺堯虜其民而還

質實

一統志云流求國名古未詳何國漢魏
以來不通中華隋大業中令羽騎尉朱

寬訪求異俗始至其國語言不通掠一人以
返後遣武賁郎將陳稜率兵至其都虜男女
五千人還唐宋時未嘗朝貢元遣使招諭之
竟不從本朝洪武中其國分為三曰中山

王曰山南王曰山北王皆遣使朝貢永樂初其國王嗣立皆受朝廷冊封自後惟中山來朝至今不絕其山南山北二王蓋為所併云

詔自今非有功者不賜爵

詔以近世茅土妄假名實相乖自今惟有功勲乃得賜封仍令子孫承襲於是舊賜五等爵非有功者皆除之

集覽

茅土注見漢昭烈帝章武二年

以散樂配太常

以所徵散樂悉配太常皆置博士弟子以相傳授樂工至三萬餘人

三月帝如江都○除榆林太守張衡名以王世

充領江都宮監

初帝營汾陽宮令張衡具圖奏之衡進諫曰比年勞役繁多百姓疲弊願稍加抑損帝意不平謂侍臣曰張衡自謂由其計畫令我有天下也乃錄前幸涿郡父老謁見衣冠不整衡為憲司不能舉正之罪出為榆林太守久之勅督役江都宮禮部尚書楊玄感素之子也使至江都衡謂之曰薛道衡真為枉死玄感奏之江都郡丞王世充又奏衡頻減頓具帝怒將斬之久乃得釋除名為民以世充領江都宮監世充本西域胡人姓支氏父收幼

從母嫁王氏，因冒其姓，世充性譎詐，有口辯，頗涉書傳，好兵法，習律令，帝數幸江都，世充能伺候顏色，雕飾池臺，**集覽**頓具頓舍**質實**與供具，**質實**奏獻珍物，由是有寵。**楊玄感**華陰人，**榆林**郡名，注見文帝開皇十九年夏勝。

冬十二月文安侯牛弘卒

弘寬厚恭儉，學術精博，隋室舊臣，始終信任，悔吝不及者，一人而已。弟弼酗酒，射殺弘，駕車牛，弘自外還，其妻迎謂之曰：叔射殺牛，弘無所問，直云作脯，坐定其妻又言：弘曰：已知之矣。顏色自若。讀書不輟。**質實**一統志云：文安漢之縣名，屬渤海郡，東漢屬河間國。

先平僧孺之

賢

愛人

後屬瀛州，晉屬章武國，後魏屬瀛州，隋屬河間郡，唐廢豐利縣，移文安縣於其城，屬霸州。宋省永清縣入焉，金元俱仍舊，本朝因之，改屬順天府。

穿江南河

自京口至餘杭八百餘里，**質實**京口郡名，注見晉成帝咸和三年。一統志云：餘杭秦之縣名，屬會稽郡，漢因之，東漢屬吳郡，三國吳屬吳興郡，晉因之，隋初屬杭州，後改餘杭縣，唐宋元俱仍舊，本朝因之，改屬杭州府。**會稽**縣名，注見文帝

河節今浙西

典

開皇九年

詔百官戎服從駕

帝以百官從駕，皆服袴褶。於軍旅間不便，詔皆戎衣。五品以上，通著紫袍。六品以下，兼用緋綠。胥吏以青，庶人以白。屠商以皂，士卒以黃。

質實 袴褶，小衣名。注見齊主寶卷。永元元年，軍旅。注見梁武帝中大同二年。

書法

吉行戎服，非事也。亂始垂矣，故謹書之。

徵高麗王元入朝不至

帝之幸啟民帳也，高麗使者在啟民所，啟民不敢隱，與之見帝。裴矩說帝曰：高麗漢晉皆

兵

為郡縣，今乃不臣。先帝欲征之久矣，今其使者親見，啟民舉國從化，可因其恐懼，脅使入朝。帝從之，使牛弘宣旨，令使者還語高麗王，入朝。至是不至，乃謀討之。課天下富人買馬，疋至十萬錢，簡閱器仗。

質實 高麗，外夷國名。注見漢武帝元

封二年 朝鮮

辛未 七年春二月，帝自將擊高麗。夏四月，至臨朔

宮徵天下兵會涿郡

帝御龍舟渡河，入永濟渠，仍敕選部門下內史御史於前，船選補其受選者三千餘人。或

病民

兵

疲中國以
伐外夷適
以自伐也

徒步隨船三千餘里，凍餒疲頓，死者什一二。遂下詔討高麗，敕幽州總管元弘嗣往東萊海口，造船三百艘，官吏督役，晝夜立水中，不敢息，自腰以下皆生蛆，死者什三四。又敕河南淮南江南造戎車五萬乘，送高陽，供載衣甲幔幕，令兵士自挽之。發河南北民夫，以供軍須。江淮以南民夫及船，運黎陽及洛口諸倉米，舳艫千里，往還常數十萬人，晝夜不絕。死者相枕。

質實 幽州注見唐高祖武德四年元弘嗣河南人東萊郡名注見漢安帝永和三年高陽縣名注見晉愍帝建興四年黎陽倉名注見陳後主至德元年一統志云洛口倉名在河南南府鞏縣西隋煬帝嘗聚粟於此舳艫注見晉帝奕太和四年

書法

高麗嘗書討矣，文帝開皇十八年此其書擊何廣賊也，師出無名，故雖自

將不
書討

發明

楊廣不道，天醜其為，亦既經畧西域，臣服突厥，破吐渾，降伊吾，攻殺流求等國矣。好大不止，今又從事遼東，迄至羣盜蜂起，而國遂以亡。蓋廣之用心，必欲使際天所覆，舉歸封畧之內，豈知末年反無容足之所，身死不保，至撤床簀以斂其屍，自古佳兵事外者，未有不愛其禍。然罕有如煬之甚者，綱目於此書帝自將擊高麗，而不書帝親征高麗，則見高麗無罪之可征，而他日用兵敗亡之咎，亦不可委之他

人此固書法之意也

災

山東河南大水

質實

山東注見宋文帝元嘉二十五年河南注見宋主昱

元徽元年

漂没三十餘郡

冬十月底柱崩

質實

底柱山名注見漢成帝綏和二年

偃河逆流數十里

西突厥酋長射匱逐處羅可汗處羅來朝

得夷法

初帝西巡遣使召西突厥處羅可汗令與車駕會大斗拔谷不至帝大怒會其酋長射匱遣使求婚裴矩因奏曰處羅不朝恃疆大耳臣請以計弱之分裂其國即易制也射匱者達頭之孫世為可汗今以失職附屬處羅若厚其禮拜以為大可汗則突厥勢分矣帝然之因召其使者諭之令誅處羅然後為婚射匱大喜興兵襲處羅處羅大敗將數千騎東走高昌帝遣裴矩與向氏馳至玉門關諭處羅入朝十二月至臨朔宮帝大悅接以殊禮處羅終有怏怏之色

集覽

達頭可汗之號也名玷厥

質實

玉門關注見漢武帝

元鼎二年怏怏注見漢光武建武二年

群盜起兵之始

王薄張金稱高士達竇建德等兵起

帝自去歲謀討高麗，詔山東置府，令養馬以供軍役。又發民夫運米塞下，車牛往者皆不返。士卒死亡過半，耕稼失時，穀價踴貴，東北邊尤甚。斗米直數百錢，所運米或粗惡，令民糴以償之。又發鹿車夫六十餘萬，二人共推米三石，道途險遠，不足充餽糧。至鎮無可輸，皆懼罪亡命。重以官吏侵漁，百姓窮困，於是始相聚為群盜。鄒平民王薄擁眾據長白山，標掠齊濟之郊，自稱知世郎。言事可知矣。又作無向遼東浪死歌以相感勸，避征役者多往歸之。平原東有豆子航，負海帶河，地形深阻，群盜多匿其中。有劉霸道者，家於其傍，喜

長樂王初見後改號夏

俠，食客常數百人。遠近多往依之，有眾十餘萬，號阿勇賊。漳南人竇建德少尚氣俠，膽力過人，會募人征高麗，建德以選為二百人。長同縣孫安祖亦以驍勇選為征士，安祖辭以家為水漂，妻子餓死，縣令怒笞之。安祖殺令亡，抵建德。建德謂曰：文皇帝時，天下殷盛，發百萬之眾以伐高麗，尚為所敗。今水潦為災，百姓困窮，加之往歲西征，行者不歸，瘡痍未復，主上不恤，乃更發兵親擊高麗，天下必大亂。丈夫不死，當立大功，豈可但為亡虜邪？乃集無賴少年，得數百人，使安祖將之。入高雞泊中，為羣盜。時鄒人張金稱聚眾河曲，脩人高士達聚眾於清河，鄒縣疑建德與賊通，悉收其家屬殺之。建德帥麾下二百人亡歸士

述其為亂

達士達自稱東海公以建德為司兵頃之安
祖為金稱所殺其眾盡歸建德建德兵至萬
餘人建德能傾身接物與士卒均勞逸由是
人爭附之為之致死自是所在群盜蜂起不
可勝數徒眾多者至萬餘人攻陷城邑
敕都尉鷹揚與郡縣追捕然莫能禁

集覽

豆子鹵地名在平原東按平原今德州是屬
濟寧鹵音各黨反喜俠喜去聲說文悅也悅
為任俠也任俠注見漢武帝元朔二年阿勇
賊之號郿人郿縣人也索隱曰郿音輪漢屬
清河郡今屬貝州河曲戰國秦伐晉戰於河
曲杜預曰在河東蒲阪縣南今隰州河曲縣
舊人舊縣人也周亞夫封條侯徐廣曰漢功
臣侯表作舊字董衝音他彫反漢地志條縣

屬渤海唐屬冀州括地志云故舊城俗名南
條城在德州舊縣南索隱曰條或作條一作
修渤海有修市縣服虔曰修修修並音條
今景州舊縣清河漢清河郡唐改為貝州今
恩州是都尉鷹揚

正誤

阿勇今

質實

鹿車小車也言

車窄狹纔容一鹿故曰鹿車餽糧詩乃裹餽
糧注餽糧乾糧也鄒平縣名注見宋明帝泰
始三年一統志云長白山在濟南府長山縣
西南三十里山跨鄒平縣西南一十里又名
會仙山山有峰孤秀盤鬱獨壓眾山抱朴子
長白乃秦山之副嶽繡江源發于此山高
千九百丈周六十里雲雨長白故名上有醴
泉寺即范仲淹讀書處齊濟二州名齊注見

漢景帝三年濟南濟注見晉帝奕太和元年
高平遼東郡名注見秦王政三年平原縣名
注見漢光武建武五年漳南縣名注見秦二
世三年高雞泊未詳處所郟漢之縣名屬清
河郡晉因之北齊省入平原縣隋復置貝州
治郟縣唐改爲夏津縣宋屬魏州金屬大名
府元屬高唐州本朝因之改屬東昌府河
曲漢之縣名屬太原郡晉爲嵐州雄勇鎮宋
立火山軍屬代州後置火山縣尋廢金改爲
火山州後改曰隩州貞元初增置河曲縣取
河千里一曲之義元至元初州縣俱省入保
德州本朝復爲河曲縣改屬太原府舊古
地名漢爲條縣晉因之隋改條爲脩唐屬德
州又改屬冀州元初陞爲元州尋復爲縣

本朝初省入景州故城在河間府景州城內
山東地名注見宋文帝元嘉二十五年清河
縣名注見秦王政十四年東海郡名注見秦
二世二年郟麾下注見晉愍帝建興三年蜂
起注見秦二世二年

書法

書兵起何賊廣也自是凡起兵
革書擊不書討書殺不書誅

發明

甚矣三代而下生民之不幸也桀爲
不道有成湯則塗炭可脫紂爲不道

有武王則毒痛可免自秦入郡縣天下雖
上有桀紂之暴而下無湯武之興必至盜
賊蜂起天下大亂屠滅幾盡而後已故夫
胡亥新莽桓靈隋煬皆後世之所謂桀紂

無有能正之者。必待勝廣赤眉黃巾王薄張金稱之徒。兵戈四起。而後其國始墟。此則世變之下。生靈之不幸耳。若夫王薄張金稱等。皆當時羣盜。而不以盜書者。亦以楊廣負天下之大逆。故皆書起兵以正其罪。此則綱目急於討賊之意耳。予薄所以誅廣也。其旨嚴矣。

壬申八年春正月分西突厥為三部

帝分西突厥為三。使處羅之弟闕達度設將羸弱萬餘口居會寧。特敕大柰別將餘眾居樓煩。處羅將五百騎常從。巡幸賜號曷娑那可汗。

質實

一統志云會寧後魏縣名

屬隴西郡。西魏置會州。尋廢。後周併廢縣。隋初置會寧縣。屬平涼郡。唐於縣置西會州。後改為會寧郡。又改會州。金時陷於河西。僑治會川城。名新會州。又陞西寧縣為州。金廢。元復置西寧縣。為會州。徙治於此。尋省縣入州。本朝改為會寧縣。屬鞏昌府。樓煩縣名。注見周赧王八年。

道士潘誕伏誅

誕自言三百歲。為帝合煉金丹。帝為之作嵩陽觀。所費巨萬。誕云金丹應用石膽。石髓。發工鑿石。深百尺者數十處。不得。乃言若得童男女膽髓各三斛六斗。可以代之。帝怒。鎖詣

涿郡注見漢帝質實涿郡玄更始二年

書法廣殺人多矣未有書伏誅者此其書

伏誅何重罪誕也誕合金丹法用石

膽石髓鑿求不得請以童男女膽髓各三

斛六斗代之欺罔至此其罪可勝誅哉故

雖賊廣殺之綱目必以伏誅書也綱目抑

左道於方士必以伏誅書終綱目方士書

伏誅七新垣平李少翁樂大

潘誕柳泌趙歸真李玄伯

發明煬殺人多矣未有得其罪者獨潘誕

之死為得其辜此所以書其伏誅也

兵

遣諸軍分道擊高麗

四方兵皆集涿郡帝徵合水令庾質問曰高

麗之衆不能當我一郡今朕以此衆伐之卿

以為克不對曰伐之可克然陛下親行戰或

未克懼損威靈若車駕留此命猛將勁卒指

授方畧倍道兼行出其不意克之必矣事機

在速緩則無功帝不悅尚方監耿詢上書切

諫帝大怒命左右斬之何稠苦救得免詔左

十二軍出鏤方樂浪等道右十二軍出黏蟬

襄平等道駱驛引途總集平壤凡一百一十

三萬人其餽運者倍之帝親授節度每軍大

將亞將各一人騎兵四十隊隊百人十隊為

團步卒八十隊分為四團團各有偏將一人

其鎧冑纓拂旗旛每團異色受降使者一人

承詔慰撫不受大將節制其輜重散兵等亦

通鑑綱目 卷三十三 隋煬皇帝大業八年 正編

為四圍使步卒挾之而行日遣一軍相去四十里連營漸進御營六軍後發首尾亘千餘里近古出師之盛未之有也

集覽

鏤方縣名屬樂浪郡鏤龍珠反或音郎豆反樂

浪注見漢武帝元封三年黏蟬縣名屬樂浪服虔曰蟬音提襄平今遼東城是平壤高麗所都也亦名長安括地志云平壤城本漢樂浪之王險城即古朝鮮也

質實

統一

志云合水古地名漢置郁郅縣於此屬北地郡東漢及晉皆廢後魏後周皆為鎮隋於州城西南置合水縣屬慶州唐初改為合川縣貞觀初改曰弘化縣天寶初改安化至德初又改順化縣宋復為安化縣元省本朝初復置為慶陽府治所仍屬焉尚方監注見漢

景帝後元年襄平縣名注見秦王政三年平壤城名在遼東行都司城東五百六十二里鴨綠江東北一名王險城即箕子之故國漢為樂浪郡治所晉義熙後其王高璉始居此城號為西京即古朝鮮國也陛下注見漢光武建武二十七年輜重注見周顯王三十六年六軍注見唐明宗長興三年

內史令元壽卒○三月左候衛大將軍段文振卒于師

文振嘗上表曰陛下寵待突厥太厚處之塞內資以兵食戎狄之性無親而貪異日必為

備邊

通鑑綱目

卷三十一

隋煬皇帝大業八年

三十一

正編

不使突厥
內地有

通鑑綱目 卷三十七

國患宜以時諭遣令出塞外。然後明設烽候。緣邊鎮防。務令嚴重。此萬歲之長策也。兵曹郎斛斯政以器幹有寵。帝使專掌兵事。文振屢言政險薄。不可委以機要。不從。及征高麗。為左候衛大將軍。出南蘇道。道病。上表曰。陛下以遼東未服。親降六師。夷狄多詐。深須防擬。口陳降款。母宜遽受。水潦方降。不可淹遲。惟願嚴勒諸軍。星馳速發。水陸俱前。出其不意。則平壤孤城。勢必可拔。如不時定。脫遇秋霖。兵糧必竭。疆敵在前。鞞鞞出後。遲疑不決。非上策也。及卒。帝甚惜之。**集覽**斛斯虜復姓。南蘇郡名。在高麗中。**質實**段振北海期原人。壽玄孫。降候。注見齊高帝建元四年。鞞鞞北狄種名。注見晉成帝咸康六年。

年

書法

具官何文振賢也。與劉方異矣。終綱目書卒于師八。詳漢光武建武九年。

諸軍度遼水擊敗高麗兵遂圍遼東

師進至遼水。高麗兵阻水拒守。隋軍不得濟。將軍麥鐵杖謂人曰。丈夫性命。自有所在。豈能卧死兒女手中乎。乃自請為前鋒。帝命造浮橋於西岸。成趣東岸。橋短不及岸。丈餘。高麗兵大至。鐵杖躍而登岸。與錢士雄孟義等皆戰死。何稠接橋。一日而成。諸軍繼進。大戰。高麗兵敗。諸軍乘勝。進圍遼東城。即漢之襄平城也。車駕度遼。引曷薩那可汗。及高昌王

壯
本作未
成趣東岸

隋煬皇帝大業八年 正編

伯雅觀戰處以懾憚之命尚書衛文昇撫其民給復十年建置郡縣與也復音福除也質實遼水注見漢昭烈帝賜與除免其徭賦質實章武元年高昌郡名注見齊明帝建武四年

夏五月納言楊達卒

質實納言官名注見漢靈帝光和元年

六月帝至遼東攻城不克

諸將之東下也帝親戒之曰今者弔民伐罪非為功名諸將或欲輕兵掩襲孤軍獨闢立一身之名以邀勲賞非大軍行法公等進軍當分為三道有所攻擊必三道相知凡軍事

犬任將之道

進止皆須奏聞待報至是遼東嬰城固守帝命諸軍攻之又敕諸將高麗若降即宜撫納不得縱兵城將陷城中輒請降諸將不敢赴先令馳奏比報至城中守禦亦備隨出拒戰如此再三帝終不悟既而城久不下帝幸遼東城南召諸將責之曰公今畏死莫肯盡力謂我不能殺公邪因留止城質實遼東郡名西高麗諸城各堅守不下質實注見秦王政三年掩襲應劭曰乘其不備而覆之曰掩不鳴金鼓而取之曰襲

將軍來護兒以水軍攻平壤敗績

護兒帥江淮水軍舳艫數百里浮海先進入自涓水去平壤六十里與高麗相遇進擊大

能

破之護兒欲乘勝趣其城副總管周法尚止之請俟諸軍俱進護兒不聽直造城下高麗伏兵郭內出兵與戰而偽敗護兒逐之入城縱兵俘掠無復部伍伏發大敗而還高麗迫至船所周法尚整陳待之高麗乃退

集覽 泚水注見漢武帝元封二年伏兵郭內藏伏軍兵於羅郭之內空寺中

質實 舳艫注見晉帝奕太和四年周法尚汝南安南人

人炅次子

秋七月將軍宇文述等九軍大敗於薩水而還

將軍宇文述于仲文辛世雄衛文昇等九人分出諸道會於鴨綠水西兵自盧河懷遠二

鎮人馬皆給百日糧又給衣資戎具火幕人別三石石已上重莫能勝述令軍中遺棄米粟者斬士卒皆於幕下掘坑埋之纔及中路糧已將盡高麗遣大臣乙支文德請其營詐降實欲觀虛實于仲文先奉密旨若高元及文德來者必擒之至是仲文將執文德慰撫使劉士龍固止之遂聽其還既而悔之遣人召之不至述以糧盡欲還仲文議以精銳追文德述固止之仲文怒曰古之良將能成功者軍中之事決在一人今人各有心何以勝敵時帝以仲文有計畫令諸軍諮稟節度由是述等不得已而從之與諸將度水追文德文德見述軍士有饑色故欲疲之每戰輒走述一日之中七戰皆捷遂濟薩水去平壤城三

十里因山為營文德復遣使詐降於述曰若旋師者當奉高元朝行在所述見士卒疲弊不可復戰又平壤險固度難猝拔遂還至薩水軍半濟高麗自後擊之辛世雄戰死諸軍俱潰將士奔還一日夜至鴨綠水行四百五十里王仁恭為殿擊高麗却之來護兒亦引兵還唯衛文昇一軍獨全初九軍度遼凡三十萬五千人及還至遼東唯二千七百人資械蕩盡帝大怒鎖繫述等而還是行也惟於遼水西拔高麗武厲邏置遼東郡及通定鎮而集覽鴨綠水高麗馬訾水出靺鞨之白山已其色如鴨頭之綠因名焉高元高麗王名元行在所注見質實于仲文代人謹之漢武帝天漢二年孫一統志云鴨綠

水在遼東都司城東五百六十里按唐書東夷列傳有馬訾水出靺鞨之長白山色若鴨頭故名鴨綠西南流至安市入海唐太宗征高麗耀兵於鴨綠水即此瀘河懷遠二鎮名未詳處所薩水在遼東都司城東北五百六十里鴨綠江東平壤城西隋將辛世雄戰死於此通定鎮未詳處所

九月帝還東都慰撫使劉士龍伏誅諸將皆除

名

宇文述素有寵其子士及尚帝女南陽公主故帝不忍誅與于仲文等皆除名為民斬劉

士龍以謝天下諸將皆委罪於仲文帝獨繫之仲文憂恚病卒

質實

南陽縣名注見

周赧王十七年

山東大旱○殺張衡

衡既放廢帝每令親人覘之及還自遼東衡妾告衡怨望謗訕詔賜自盡衡臨死大言曰我為人作何等事而望久活監刑者塞耳促令殺之

書法

張衡何親行弒逆者也曷為不書伏誅所以蔽罪於楊廣也然則不具官

除名矣

此乃楊廣行弒斷案

發明

衡親行弒逆何以不書伏誅曰在他

也然衡當為逆之時自謂可以固終身之

寵而不知反為所殺是亦天假之手以警

酉癸九年春正月徵天下兵集涿郡始募民為驍

果○靈武白瑜娑兵起

賊帥白瑜娑劫牧馬連突厥隴右多被其患謂之奴賊

質實

隴右道名注見秦王

政十三年靈武郡名注見唐玄宗天寶十五年

命代王侑留守西京

質實 代郡名注見秦王政三年鴈門

以刑部尚書衛文昇輔之

二月復宇文述官爵

詔曰兵糧不繼乃軍吏失於支料非述罪也宜復其官爵尋加開府儀同三司

三月濟陰孟海公起兵據周橋

質實 濟陰郡名注見漢光

武建武八年周橋未詳處所

海公衆至數萬見人稱引書史輒殺之

矣

帝復自將擊高麗命越王侗留守東都

帝議復伐高麗光祿大夫郭榮諫曰千鈞之弩不為鼯鼠發機柰何親辱萬乘以敵小寇乎不聽而行命民部尚

書樊子蓋輔伺守東都**集覽** 鼯鼠狀如小狐伯勞化地中行

食煙火螫毒及人鳥獸皆不痛今名甘口鼠乃微乎微者**質實** 東都注見秦莊襄王

元年三川

齊郡丞張須陀擊王薄等破之

時所在盜起齊郡王薄孟讓北海郭方預清河張金稱平原郝孝德河間格謙渤海孫宣

能 能

雅各聚衆攻標多者十餘萬少者數萬人山東苦之天下承平日久人不習兵郡縣吏每與賊戰望風沮敗唯齊郡丞張須陁得士衆心勇決善戰將郡兵擊王薄大破之薄北連孫宣雅郝孝德等十餘萬攻章丘須陁帥步騎二萬擊之賊衆大敗賊帥裴長才等衆二萬掩至城下須陁未暇集兵帥五騎與賊賊競赴之圍百餘重身中數創勇氣彌厲會城中兵至賊稍却須陁督衆擊之敗走郭方預等合軍攻陷北海大掠而去須陁謂官屬曰賊恃其疆謂我不能救吾今速行破之必矣乃簡精兵倍道進擊大破之歷城羅士信年十四從須陁擊賊於濰水上賊始布陳士信馳至陳前刺殺數人斬一人首擲空中以稍

承之揭以畧陳賊徒愕眙莫敢近須陁因引兵奮擊賊衆大潰須陁歎賞引置左右每戰須陁先登

集覽

濰水注見漢王劉邦四年愕眙愕驚也眙丑吏反直視也

亦驚貌前西都賦

質實

齊郡注見漢景帝三年濟南北海郡名注

見漢桓帝永康元年平原郡名注見陳宣帝大建八

二年渤海郡名注見晉穆帝永和六年滄州

張須陁闕卿人一統志云章丘古地名本春秋時齊高唐邑漢爲陽丘縣地屬濟南郡東漢省北齊移高唐縣治於此晉因之隋初改

爲章丘縣唐初屬譚州貞觀初州廢以縣屬齊州宋增置清平軍金廢軍以縣屬濟南府

元仍舊。本朝因之。隸濟南府。山東地名。注見宋文帝元嘉二十五年。歷城縣名。注見漢光武建武五年。歷下。

兵

夏四月帝度遼水遣諸將擊高麗

車駕度遼。遣宇文述與楊義臣趣平壤。王仁恭出扶餘道。進至新城。高麗兵數萬拒戰。仁恭帥勁騎一千擊破之。高麗嬰城固守。帝命諸將攻遼東。聽以便宜從事。飛樓橦雲梯地道。四面俱進。晝夜不息。而高麗應變拒之。二十餘日不拔。主客死者甚衆。**集覽**扶餘注見新莽始建國元年。樓橦猶衝棚也。史炤曰。棚有樓車也。所以橦城者。橦與橦通音。幢

又直絳反。雲梯以木爲之。可階而登城也。墨子曰。是公輸般爲雲梯以攻宋。索隱曰。按梯構木。墩高也。雲者。言其升高若入雲然。

六月楚公楊玄感起兵黎陽圍東都

玄感驍勇。便騎射。好讀書。喜賓客。海內知名之士。多與之遊。蒲山公李密。弼之曾孫也。少有才畧。志氣雄遠。輕財好士。爲左親侍。帝見之。謂宇文述曰。左仗下黑色小兒。瞻視異常。勿令宿衛。述乃諷密使稱病自免。密遂屏人事。專務讀書。嘗乘黃牛讀漢書。楊素遇而異之。與語大悅。謂玄感等曰。汝等不及也。由是玄感與爲深交。時或侮之。密曰。若決機兩陳

是初見

之間，喑鳴咄嗟，使敵人震懾，密不如公，驅策天下賢俊，各申其策，公不如密，豈可以階級稍崇，而輕天下士大夫邪？玄感笑而服之。素恃功驕倨，或失臣禮，帝心銜而不言。及素卒，謂近臣曰：「使素不死，終當族滅。」玄感知之，內不自安，且以朝政日紊，乃與諸弟潛謀作亂。帝方事征伐，玄感自言世荷國恩，願為將領，帝喜，寵遇日隆，頗預朝政。至是，命玄感於黎陽督運，遂與虎賁郎將王仲伯、汲郡贊治趙懷義等謀，故為逗遛，欲令諸軍乏食。弟郎將玄縱、萬石並從，幸遼東。玄感潛召之，皆亡還。萬石至高陽，為人所執，斬於涿郡。時來護兒以舟師自東萊將入海，趣平壤。玄感遣家奴偽為使者從東方來，詐稱護兒反。六月，玄感

士氣

入黎陽，大索男夫，移書傍郡，以討護兒為名，各令發兵會於倉所。以懷義為衛州刺史，元務本為黎州刺史，河內主簿唐禕為懷州刺史。御史游元督運在黎陽，玄感謂曰：「獨夫肆虐，陷身絕域，此天亡之時也。我今親帥義兵以誅無道，卿意如何？」元正色曰：「尊公荷國寵靈，近古無比。公之弟兄，青紫交映，當謂竭誠盡節。上答鴻恩，豈意墳土未乾，親圖反噬，僕有死而已，不敢聞命。」玄感怒而囚之，屢脅以兵，不能屈，乃殺之。元明根之孫也。玄感選運夫少壯者，得五千餘人，篙稍三千餘人，刑三牲誓衆，且諭之曰：「主上無道，不以百姓為念，天下騷擾，死遼東者以萬計，今與君等起兵以救兆民之弊，何如？」衆皆踊躍稱萬歲，乃勒

李密三策
甚明于時
勢玄感不
察其意願
以下計爲
上策何耶

兵部分，唐禕逃歸河內，先是玄感陰遣召李密及第玄珽，密至，玄感大喜，問計，密曰：「天子出征，遠在遼外，去幽州猶隔千里，公擁兵出，其不意，長驅入薊，扼其咽喉，高麗聞之，必躡其後，不過旬日，資糧皆盡，其衆不降則潰，可不戰而擒，此上計也。」玄感曰：「更言其次。」密曰：「關中四塞，天府之國，雖有衛文昇，不足爲意，今帥衆鼓行而西，經城勿攻，直取長安，收其豪傑，撫其士民，據險而守之，天子雖還，失其根本，可徐圖也。」玄感曰：「更言其次。」密曰：「簡兵倍道，襲取東都，以號令四方，但恐唐禕告之，先已固守，若引兵攻之，百日不克，天下之兵四面而至，非僕所知也。」玄感曰：「不然，今百官家口並在東都，若先取之，足以動其心，且經

城不拔，何以示威？公之下計，乃上策也。」遂引兵向洛陽，遣玄挺將千人爲前鋒，先取河內，唐禕據城拒守，又使人告東都，越王侗等勒兵爲備，玄感渡河，從者如市，使弟積善將兵三千餘，洛水西入，玄挺逾邙山南入，玄感將三千餘人，隨其後，其兵皆執單刀柳楯，無弓矢甲冑，東都遣河南令達奚善意將精兵五千人拒積善，將作監裴弘策將八千人拒玄挺，善意兵潰，鎧仗皆爲積善所取，弘策戰敗走，玄挺不追，弘策退收散兵，復結陳以待之，玄挺徐至，坐息良久，忽起擊之，弘策又敗，如是五戰，直抵太陽門，弘策將十餘騎馳入宮城，餘皆歸於玄感，玄感每誓衆曰：「我身爲上柱國家，累鉅萬金，至於富貴，無所求也，今不

顧滅族者，但為天下解倒懸之急耳。眾皆悅。父老爭獻牛酒。子弟詣軍門請自効者，日以千數。內史舍人韋福嗣為玄感所獲，使掌文翰。為書遺樊子蓋，數帝罪惡，云欲廢昏立明。子蓋新自外藩入為京官，東都舊官多慢之。至於部分軍事，未甚承稟。裴弘策失利，更使出戰，不肯行。子蓋斬以徇。於是將吏震肅，無敢仰視。令行禁止。玄感盡銳攻城，子蓋隨方拒守。玄感不能克。然達官子弟應募從軍者，聞弘策死，皆不敢入城。韓擒虎子世弼等四十餘人皆降於玄感。玄感悉以清要重任委之。收兵得五萬餘人，遣世弼圍滎陽。顧覺取虎牢，以為鄭州刺史。代王侑使衛文昇帥兵救東都，至華陰，掘楊素塚，焚其骸骨，示士卒。

以必死，直趨東都城。北玄感屢破之。玄感身先士卒，所向摧陷。又善撫悅其下，皆樂為之。死由是每戰多捷。眾至十萬，文昇眾寡不敵，死傷且盡。乃更進屯印山之陽，與玄感決戰。會楊玄挺中流矢。**集覽** 啞，音嗚。咄，音音。咄，死。玄感軍乃稍卻。**集覽** 當沒反。啞，音嗚。懷，怒氣也。咄，嗟發怒聲也。**獨夫** 注見宋明帝泰始元年。**三牲** 即毛遂所謂鷄狗馬血是也。天府之國，戰國策蘇秦說秦惠王曰：大王之國，地勢形便，此所謂天府之國。高誘注：府，聚也。萬物所聚之地。**達奚** 代北複姓也。**達官** 謂有官職，得達於君者。記擅弓公之喪，諸達官之長杖。**世弼** 名也。**質實** 蒲山公李密，蒲山縣名，未詳。世弼各反。處所唯嘉興府、平湖縣、東南。

三十里有蒲山瀕於海邊未知是否季密隴西成紀人襲父蒲山公爵故稱蒲山公左仗下注見宋文帝元嘉三十年左細仗主黎陽郡名注見漢成帝綏和三年汲郡注見秦莊襄王三年贊治官名主衆曹文書隋文帝改別駕治中爲長史司馬煬帝罷之置贊治唐高祖改贊治曰治中卽今之通判是也逗遛注見漢宣帝本始三年衛州注見秦王政三年朝歌黎州注見漢成帝綏和三年黎陽河內縣名注見周赧王五十三年野王懷州注見宋順帝昇平元年游元廣平任人寶藏之子薊縣名注見漢帝玄更始二年關中注見唐玄宗開元十一年京兆洛水注見漢高后三年印山注見漢靈帝中平六年河南縣名

注見周顯王三年洛陽將作監官名事物紀原云少昊五雉爲五工正與唐虞之共工周官考工之所紀皆將作之任也秦始置將作少府漢景帝更爲大匠隋開皇中改將作寺曰監故大匠之名亦更爲監滎陽縣名注見秦莊襄王元年虎牢關名注見晉帝奕太和四年鄭州注見梁武帝普通六年鄭城華陰縣名注見周顯王三十七年陰晉一統志云楊素塚在西安府華陰縣東二十五里

發明

春秋之法凡弑君之賊討在四鄰則責其國討在夷狄則責中國皆所以示急於討賊之義也楊廣之逆綱目旣正其罪於前故凡群盜之反皆以起兵書之

若夫楊玄感者，乃楊素之子，素首畫謀逆，預聞乎故，則玄感是為逆黨。今又舉兵向闕，綱目胡為亦書起兵，嗚呼！於此可以見討賊之尤急矣。夫惟急於討賊，雖盜賊夷狄皆予其討，至於親其逆黨，亦不暇顧，必志於得賊而後已，正猶今捕盜之法，或其徒中自能告首，亦與免罪行賞，此類是也。立法若是，可謂嚴哉。雖然，玄感曷不書討，曰討大矣。玄感初非真能討賊者，使其能指楊廣弑父與君之罪，正名舉義，若漢王之討項籍，各其為賊，則綱目亦必以討予之矣。然則討賊若此，其急為賊者，豈有容足之地哉。故曰綱目修而亂臣賊子懼。

帝引軍還遣宇文述來護兒等擊楊玄感

遼東城久不拔，帝遣造布囊百萬貯土，欲積於大道，高與城齊，使戰士登而攻之。又作八輪樓車，高出於城，欲俯射城內。會楊玄感反，書至，帝大懼，引蘇威入帳中，謂曰：此兒聰明，得無為患。威曰：玄感庸疎，必無所慮，但恐因此寢成亂階耳。帝又聞達官子弟皆在玄感所，益憂之。兵部侍郎斛斯政素與玄感通謀，內不自安，亡奔高麗。帝夜召諸將使引軍還，資械委棄，衆心恟懼，無復部分。高麗覺之，然疑其詐，經二日乃出兵追躡，而不敢逼。帝遣虎賁郎將陳稜攻元務本於黎陽，又遣宇文述、屈突通乘傳發兵以討玄感。來護兒至東

屈突通初見

護兒善識
輕重

又速李子
雄反

萊聞玄感圍東都召諸將議旋軍救之諸將咸以無勅不宜擅還護兒厲聲曰洛陽被圍心腹之疾高麗逆命猶疥癬耳公家之事知無不為專擅在吾不關諸人有沮議者軍法從事即日迴軍令子弘整馳驛奏聞帝時遷至涿郡已勅護兒救東都見弘整甚悅先是將軍李子雄坐事除名從軍自効帝疑之詔鎖子雄送行在所子雄殺使者逃奔玄感

質實 乘傳注見漢景帝三年

秋七月餘杭劉元進兵起

元進手長尺餘臂垂過膝自以相表非常陰有異志會帝再發三吳兵征高麗三吳兵皆

相謂曰往歲天下全盛吾輩父兄征高麗者猶太半不返今已罷弊復為此行吾屬無遺類矣由是多亡命郡縣捕之急聞元進舉兵亡命者雲集旬月間眾至數萬

集覽 餘杭漢會稽郡邑隋置杭州唐改餘杭郡今杭州餘杭縣是也

質實 餘杭縣名注見大業六年

楊玄感引兵趣潼關八月宇文述等追之玄感

敗死

楊玄感得韋福嗣委以心膂不復專任李密福嗣每畫策皆持兩端密揣知其意謂玄感

曰福嗣元非同盟實懷觀望明公聽之必為所誤請斬之玄感不聽密退謂所親曰楚公好反而不欲勝吾屬今為虜矣李子雄勸玄感速稱尊號玄感以問密密曰兵起以來雖復頻捷至於郡縣未有從者東都守禦尚彊天下救兵益至公當挺身力戰早定關中乃亟欲自尊何示人不廣也玄感笑而止屈突通引軍屯河陽宇文述繼之子雄曰通曉習兵事若一得渡河則勝負難決不如分兵拒之通不能濟則樊衛失援玄感然之將拒通樊子蓋知其謀數擊其營玄感不得往通濟河軍於破陵玄感分為兩軍西抗文昇東拒通子蓋復出兵大戰玄感軍屢敗子雄曰援軍益至不可久留不如直入關中開未豐倉

能

如用李密
下策今又
不從其諫
所以敗也

以賑貧乏三輔可指麾而定據有府庫東面而爭天下亦霸王之業也會華陰諸楊請為鄉導玄感引兵西趣潼關宇文述等諸軍躡之至弘農宮太守蔡王智積曰玄感聞大軍將至欲西圖關中若成其計則難克也當以詐縻之使不得進不出一句可以成擒及玄感軍至城下智積登陴詈之玄感怒留攻之李密諫曰公今詐眾西入軍事貴速况乃追兵將至安可稽留若前不得據關退無所守大眾一散何以自全玄感不從遂攻之三日不拔乃引而西至閿鄉宇文述衛文昇來護見屈突通等軍追及之玄感布陳亘五十里且戰且行一日三敗乃獨與十餘騎奔上洛自度不免謂積善曰我不能受人戮辱汝可

殺我積善抽刀斫殺之
因自刺不死追兵執之

集覽

潼關注見漢獻
帝建安十六年

閬鄉注見晉安
帝義熙十三年

質實

河陽縣名注見唐昭宣
帝天祐二年樊衛謂樊

子蓋衛文昇破陵地名未詳處所
漢武帝征和元年弘農郡名注見周顯王四

十五年陝蔡國名注見秦二世二年上洛縣名注見晉
暉注見梁武帝天監二年

元帝太
興元年

發明

綱目立法甚嚴煬既書弒故凡羣盜
反反者皆書起兵其間亦有死節如
御史游元將軍獨孤盛給事許善心之類
皆不得書于冊蓋以其盡節於弒逆之人

故不足予之耳至是上書來護兒擊玄感
不以討書此書玄感敗死不書伏誅下書
殺玄感黨與亦不書誅書法若此可謂得
春秋謹嚴之旨矣一字褒貶非君子孰能
修之

以唐公李淵為弘化留守

帝以弘化留守元弘嗣斛斯政之親也遣衛
尉少卿李淵馳往執之因代為留守淵御眾
寬簡人多附之帝以淵相表奇異又名應圖
識忌之未幾徵詣行在所淵遇疾未謁其甥
王氏在後宮帝問曰汝舅來何遲王氏以疾
對帝曰可得死否淵聞之懼因縱酒納賂以

對天下之
本

自質實

弘化郡名注見周顯王四十四年義渠

吳郡朱燮晉陵管崇兵起

燮涉獵經史頗知兵法為崑山縣博士與數十學生起兵民苦役者赴之如歸崇志氣倜儻隱居常熟羣盜相與奉之時帝在涿郡命虎牙郎將趙六兒將兵萬人屯楊子以備南賊崇遣將陸頴襲破其營

集覽常熟漢吳郡收其器械軍資衆至十萬

改蘇州今平江府是楊子今真州縣

縣南有楊子江與浙西鎮江府分界

質實吳郡

注見漢獻帝建興三年晉陵郡名注見大業十二年毘陵一統志云崑山縣本秦之婁縣

地屬會稽郡漢因之晉屬吳郡梁天監中置信義縣大同初又分置崑山縣以山為名隋初二縣俱廢尋復置崑山縣屬吳郡唐屬蘇州宋屬平江府元陞為崑山州本朝初改為縣屬蘇州府倜儻注見漢後主延熙十四年常熟本漢之吳縣地名晉初分置海虞縣屬吳郡東晉又分置南沙縣屬晉陵郡梁又分置常熟縣屬信義郡隋徙常熟治南沙而以海虞縣省入屬蘇州唐武德間移治海虞城宋屬平江府元陞為常熟州本朝初復改為縣屬蘇州府楊子江名注見文帝開皇十年集覽指為縣名蓋楊子縣乃唐永淳初始置隋時曷嘗有楊子縣哉觀者察焉

通鑑綱目 卷三十一
殺楊玄感黨與三萬餘人

帝使大理卿鄭善果、御史大夫裴蘊、刑部侍郎骨儀與留守樊子蓋推玄感黨與，謂曰：玄感一呼而從者十萬，益知天下人不欲多，多即相聚為盜耳，不盡加誅，無以懲後。由是所殺三萬餘人，枉死者大半。玄感之圍東都也，開倉賑給百姓，凡受米者皆阮之於都城之南。玄感所善文士王胄坐徙邊，亡命捕得，誅之。帝善屬文，不欲人出其右。薛道衡死，帝曰：「更能作空梁落燕泥否？」胄死，帝誦其佳句曰：「庭艸無人隨意綠，復能作此語邪？」帝自負才學，每驕天下之士，常謂侍臣曰：「天下皆謂朕承藉緒餘，而有四海，設令朕與士大夫高選，

虞世南初見只此一句自足亡國

亦當為天子，謂祕書郎虞世南曰：「我性不喜人諫，若位望通顯而諫以求名者，彌所不耐。至於卑賤之士，雖少寬假，然卒不置之地上，汝其知之。」世南，世基之弟也。
集覽 骨儀，姓名也。承籍緒餘，緒殘也。承籍，他人殘餘之業也。莊子讓王篇：其緒餘以為國家。
實 鄭善果，鄭州滎澤人。虞世南，餘姚人，荔之子。

冬十月遣將軍吐萬緒擊劉元進

劉元進將渡江，會楊玄感敗，朱燮管崇共迎元進，推以為主。據吳郡，稱天子，署置百官。毘陵、東陽、會稽、建安、豪傑多執長吏以應之。帝遣左屯衛大將軍吐萬緒、光祿大夫魚俱羅

將兵 **集覽** 吐萬緒吐萬複 姓也緒其名 **質實** 毘陵郡名注 見大業十二

年東陽郡名注見晉哀帝興寧三年會稽郡 名注見漢和帝永元元年建安郡名注見晉

武帝泰 始五年

十一月將軍馮孝慈擊張金稱敗死○十二月

內史舍人韋福嗣等伏誅

楊玄感之西也韋福嗣亡詣東都歸首樊子 蓋得其書草封以呈帝帝命執送行在李密 亡命為人所獲送東都子蓋鎖送福嗣密及 楊積善王仲伯等十餘人詣高陽密與仲伯

等竊謀亡去悉使出其所齎金以示使者曰 吾等死日此金並留付公幸用相瘞其餘即 皆報德使者許諾防禁漸弛密請通市酒食 每宴飲誼譁竟夕使者不以為意行至魏郡 石梁驛飲防守者皆醉穿墻而逸密呼福嗣 福嗣曰我無罪天子不過一面責我耳至高 陽帝以書草示福嗣收付大理宇文述請為 重法以肅將來十二月就野外縛諸應刑者 於格上使九品以上持兵斫射 **集覽** 格上格 支體糜碎積善福嗣仍加車裂 **集覽** 謂戰格 即今彭排也釋名彭旁也 **質實** 高陽縣名注 言在身旁排敵禦攻也 見晉愍帝建 興四年魏郡注見漢元帝建昭二年石梁驛 未詳處所車裂注見晉元帝太興三年轅



書法

玄感黨皆書殺惡廣也福嗣亦其黨獨書伏誅毋乃助之虐乎福嗣反覆見義不明數廣十罪似也未幾而亡歸自首矣亦既鎖送李密呼與俱去乃自謂無罪猶冀苟全綱目獨書伏誅所以別於起義者也

書法

韋福嗣亦玄感之黨何以獨書伏誅福嗣既從玄感玄感委以心膂反乃首鼠兩端陷玄感於敗死今又亡詣東都自首則是反覆背叛之人耳故特書誅以罪之夫豈予煬之討有罪哉

唐縣扶風妖人作亂討平之

質實

一統志云唐縣漢初所置

兵

屬中山國卽堯爲唐侯國于此春秋爲鮮虞邑北齊省入安喜縣隋復置唐縣屬定州唐因之五代梁改爲中山縣晉改爲博陵縣漢復爲唐縣宋金元俱仍舊本朝因之改屬保定府扶風郡名注見周顯王八年岐

○吐萬緒擊劉元進破之管崇

敗死詔徵緒還遣王世充代將元進朱燮皆敗

死

劉元進攻丹陽吐萬緒濟江擊破之元進結柵拒緒相持百餘日元進兵潰夜遁保壘與朱燮管崇等連營百餘里緒乘勝進擊復破之斬崇然百姓從亂者如歸市賊敗而復聚

鐵厥渠魁
脇從罔治
世克反以
詐阮聚盜

其勢益盛緒以士卒疲弊請息甲待來春帝
不悅魚俱羅亦以賊非歲月可平潛迎諸子
於洛帝怒有司希旨奏緒怯懦俱羅敗衄俱
羅坐斬徵緒詣行在緒憂憤道卒帝更遣江
都丞王世克發淮南兵數萬人討元進世克
渡江頓戰皆捷元進燹敗死餘衆降散世克
召降者於通玄寺瑞像前焚香為誓約降者
不殺散者聞之歸首畧盡世克悉阮之死者
三萬餘人由是餘黨復相聚為盜官軍不能
討以至隋亡帝以世克有將帥才益加寵任
又詔凡為盜者籍沒其家時群盜所在皆
滿郡縣官因之各專威福生殺任情矣

覽

敗衄女六反

質實

冊陽郡名注見漢明帝永平十三年

集

杜伏威起兵掠江淮

章丘杜伏威與臨濟輔公柘為刎頸交俱亡
命為羣盜伏威年十六每出則居前入則殿
後由是其徒推以為帥下邳苗海潮亦聚衆
為盜伏威使公柘謂之曰我與君同苦隋政
各舉大義力分勢弱常恐被擒若合而為一
則可以敵隋矣君能為主吾當敬從自揆不
堪宜來聽命不則一戰以決雌雄海潮懼即
帥其衆降之伏威轉掠淮南江都留守遣校
尉宋顥討之伏威與戰陽敗引顥衆入
葭葦中因從上風縱火顥衆皆燒死

集覽

輔公柘輔姓也左傳有晉大夫輔驪又智果
以智伯必貳其宗改姓輔氏殿後注見漢昭

烈帝章武二年顯胡杲反

質實

臨濟縣名注見秦二世二年下邳縣名注見漢高帝

六年

十年春二月徵天下兵伐高麗三月帝如涿

兵

郡秋七月次懷遠鎮高麗遣使請降

詔百僚議伐高麗數日無敢言者遂復徵天下兵百道俱進三月帝發高陽士卒在道亡者相繼至臨渝宮禡祭斬叛軍者以釁鼓亦不能止時天下已亂所徵兵多不至高麗亦困弊來護兒至卑奢城高麗舉兵逆戰護兒擊破之將趣平壤高麗王元懼遣使乞降因

送斛斯政帝大悅遣使持節召護兒還護兒集眾曰大軍三出未能平賊勞而無功吾竊恥之今高麗實困以此眾擊之不日可克吾欲進兵徑圍平壤取高元獻捷而歸不亦善乎答表請行長史崔君肅固爭護兒不可曰吾在閩外事當專決寧得高元還而復譴捨此成功所不能也君肅告眾曰若違詔書必當獲罪諸將懼俱請還護兒乃奉詔八月帝班師邯鄲賊帥楊公卿帥其黨八千人抄駕後第八隊得飛黃上廐馬四十二匹而去

集覽

禡祭說文師旅所止地祭之於內曰類於野曰禡記王制天子將出征類乎上帝禡於所征之地注禡帥祭也為兵禱也其禮亦亡禡馬怕反又音百爾雅曰是顛是禡

師祭也。[夬鼓]應劭曰：夬祭也。新鼓殺牲以血塗夬，郊因而祭之。曰夬，瓚曰：按禮記及大戴禮有夬廟之禮，皆無祭事。索隱曰：說文夬，血祭也。司馬法曰：血于鼙鼓者，神戎器也。顏師古曰：凡殺牲以血祭者，皆名爲夬。臣瓚以爲皆無祭事，非也。今夬鼓謂殺之以塗夬於鼓。爾春秋傳不以夬臣夬鼓，卽其義也。又左傳定四年君以軍行祓社，夬鼓。注師出先有事，祓禱於社，稷之宜社，於是殺牲以血塗鼓。鼙爲夬鼓，祓音弗。飛黃良馬名。古賦云：飛黃服皂。[質實]一統志云：[臨渝宮]在永平府撫寧縣境內。[卑奢城]未詳處所。[班師]注見陳後主禎明元年。[邯鄲]縣名。注見周威烈王二十三年。

[書法]

前書擊高麗矣，此書伐何竟降賊也。弑逆之賊，夷狄得而誅之，旣降賊矣。

故特從恒辭書伐。

冬十月還西京

以高麗使者及斛斯政告太廟，仍徵高麗王元入朝。元竟不至，敕將帥嚴裝更圖。後舉竟不果行。初，開皇之末，國家殷盛，朝野皆以高麗爲意。劉炫獨以爲不可，作撫夷論以刺之。至是其言始驗，殺斛斯政烹其肉。

[質實]

劉炫河間

景城人

十一月祀南郊大風

有事于南郊，帝不齊于次，詰朝備法駕，至即行禮。是日大風，一獻禮畢，御馬疾驅而歸。胡氏曰：董子有言，自非大無道之君，天必扶持而安全之。故時出災異以警戒之。至于再至于三，而猶不悛，然後改命有德。若隋煬十有四年之間，無復災異之變，蓋其奪宗為儲，是日四海地震，天既以告文帝而不知戒焉，則亦已矣。天意若曰：罪惡如煬者，非所告也。中間山東河南大水，底柱偃河逆流，則是徵兵遠伐，山東盜起，人心愁怨，侵迫陰陽之應爾。或曰：使煬而知懼，罷兵修政，可有瘳乎？曰：罪有輕重，惡有大小，惡輕罪小，悔而改往，聖人

所許也。五刑之屬三千，而無弑父之條，是不孝不足以盡之，而煬也犯焉。縱使息民罷兵，省德修政，是一杯水不足以救一車薪之火，亦無全而歸之之理矣。至是郊而大風，正與慕容超同符，蓋天動威以絕之也。

集覽

齊于次，周禮王朝日祀五帝，則張大次小

次，鄭玄曰：大次以候止息，小次以候行禮。山谷集曰：凡言設大次小次者，皆幄也。大次在壇壝之外，小次去壇遠矣。董子、董仲舒、奪宗為儲，太子曰儲君。煬帝初為晉王，謀廢太子，勇而求為太子，是為奪宗。底柱偃河，事在大業七年底。柱注見漢成帝綏和二年，與慕容超同符。慕容超，南燕主也。晉安帝義熙四年，超祀南郊，大風晝晦，羽儀帷幄皆毀裂。義熙

六年晉劉裕執超斬於建康

質實

詔朝注見梁武帝大同二年法駕注見漢高后

八年

書法

慕容超祀南郊嘗大風矣不書太原畧之也未幾而南燕滅也於是祀南

郊書大風隋之滅也決矣

發明

煬有天地不容之罪乃欲郊見上帝宜乎不獲顧饗之報也書祀南郊大

風天誅之意為可知矣噫

離石胡劉苗王兵起

集覽

離石胡劉苗王晉末匈奴左賢王去卑之

孫劉淵嘗都離石故曰離石胡也苗王劉淵之裔也離石注見晉惠帝永興元年

衆至數萬

汲郡王德仁起兵據林慮山

質實

汲郡注見秦莊襄王三年

汲林慮山注見漢帝玄更始二年

擁衆數萬

十二月帝如東都殺太史令庾質

帝將如東都太史令庾質諫曰比歲伐遼民實勞弊陛下宜鎮撫關內使百姓盡力農桑

此時尚有諫者可謂忠矣

三五年間四海稍豐實然後巡省於事為

宜帝不悅質辭疾不從帝怒下質獄殺之

齊郡孟讓兵掠盱眙王世充擊破之

孟讓自長白山寇掠諸郡至盱眙衆十餘萬據都梁宮阻淮爲固江都丞王世充將兵拒之柵塞險要羸形示弱民間亦皆結堡自固野無所掠賊衆漸餒乃留兵圍柵分人於南方抄掠世充伺其懈縱兵出擊大破之讓遁去

集覽

長白山在黃龍府西今遼東咸陽府界中按金國志長白山在今山東南千餘里白衣觀音所居其山禽獸皆白黑水發

源於此舊名粟末河契丹主德光破晉改名混同江都梁宮都梁郡名今招信軍是也盱眙縣西有都梁山隋於此置

正誤

按長白山

在淄州宋白曰隋改武彊爲長山縣以縣西南三十五里長白山得名大業七年鄒平民王薄據長白山剽掠齊濟之

質實

齊郡注見漢景帝三

年濟南盱眙縣名注見秦二世二年一統志云都梁宮在鳳陽府盱眙縣西南三里今名都梁臺相傳隋煬帝所築遺址尚存江都縣名注見漢獻帝興平元年抄掠注見恭帝皇泰二年

以張須陁為河南討捕大使

齊郡賊帥左孝友眾十萬屯蹲狗山張須陁列營逼之孝友窘迫出降須陁威振東夏以功遷通守領河南道十二郡黜陟討捕大使涿郡賊帥盧明月眾十餘萬軍祝阿須陁將萬人邀之相持十餘日糧盡將退謂將士曰賊見吾退必悉眾來追若以千人襲據其營可有大利此誠危事誰能往者眾莫對唯羅士信及秦叔寶請行於是須陁委柵而道使二人分將千兵伏葭葦中明月悉眾追之士信叔寶馳至其柵柵門閉二人趨升其樓各殺數人營中大亂二人斬關以納外兵因縱火焚其三十餘柵烟焰漲天明月奔還須陁

能

回軍奮擊大破之明月以數百騎遁去所俘斬無筭

質實

河南地名注見宋主昱元

徽元年蹲狗山未詳處所祝阿縣名注見周烈王六年秦叔寶即秦瓊齊州歷城人

乙亥十一年春正月增秘書省官百二十員

帝好讀書著述自為揚州總管置王府學士至百人常令修撰自經術文章兵農地理醫卜釋道乃至蒲博鷹狗皆為新書無不精洽共成萬七千餘卷初西京嘉則殿有書三十萬卷帝命秘書監柳顧言等詮次除其重複猥雜得三萬七千餘卷納於東都修文殿又寫五十副本分置

質實

揚州注見漢武帝元朔五年淮南蒲

博注見晉明帝太寧三年

發明 學之為王者事其已久矣堯舜禹湯文武汲汲仲尼皇皇皆是物也自後世以來人主好學者無幾然亦有好之而無補於事如梁繹隋煬之徒者何哉夫學之為道雖非一端要以孝悌仁義為本二君為子則不孝為弟則不悌為君則不仁為人則不義是其大本已失矣雖朝誦夜習亦復何益况又其所謂學亦徒從事華藻之末者乎綱目於隋書其增祕書官至百二十員之眾若足以見崇尚之意然其虛文無實棄本事末之義亦固隱然在其中矣

二月詔村塢皆築城○上谷王須拔魏刀兒兵

起

上谷賊帥王須拔自稱漫天王魏刀兒自稱歷山飛眾各十餘萬北連突厥南寇燕趙

質實 上谷郡名注見秦王政三年突厥北狄國名注見梁武帝大同十一年燕趙二

國名燕注見唐高祖武德四年幽州趙注見漢景帝三年

殺郿公李渾夷其族

初高祖夢洪水沒都城意惡之故遷都大興申公李穆薨孫筠襲爵叔父渾忿其吝嗇使

兄子善衡殺之而謂妻兄宇文述曰若得紹封當歲奉國賦之半述為之言得為嗣二歲後遂不復以國賦與述述大恨之至是累官大將軍改封郟公帝以其門族彊盛忌之會

集覽

郟字亦作成春秋魯孟氏邑杜預曰泰山郡鉅平縣東南有成城括地志云故

度遼與子弟襲御營立敏為天子持入奏之殺渾敏善衡及宗族三十二人敏妻亦燬死反帝收渾等遣裴蘊等雜治之數日不得反狀帝更遣述述誘教敏妻為表誣告渾謀因

郟城在兗州泗水縣西北引

質實

甲縣名注見齊武帝

永明五年李穆趙郡平棘人一統志云郟隋之縣名屬魯郡即春秋時郟子國唐初屬兗州後省之故城在兗州府汶上縣北三十二里

發明

國之將亡必有妖孽隋文以篡弒得國猜忌殘忍殺戮甚多初無祈天永

命之德身且不保諸子皆非良死不善之報昭乎甚明况煬又以惡逆趣之固無延世之理圖讖之言雖不為無據然不可得而移也李渾之死書殺書爵則其無罪可知然使殺之果當其罪則夫羣盜蝟集亦豈能長保有國哉末年江都之既乃宇文

氏而非李氏亦可以為濫殺無辜者之戒矣。殷鑒若此，猶有以官爵封邑，皆有武宗而殺李君羨為女主武氏之應者，其亦可哀也哉。

孔雀集朝堂百官稱賀

有二孔雀自西苑飛集朝堂，親衛校尉高德儒等十餘人見之，奏以為鸞。時孔雀已去，無可得驗，於是百官稱賀拜。質實：孔雀格物論，德儒朝散大夫，賜物百段。益諸州所產，高四五尺，雌者尾短，無金翠，雄者五年始成，初春而生，三四月後復凋，與華萼俱榮衰。土人取其尾者，持刀於叢篁幽隱處，伺過急斷其尾，回首一顧，金翠無復光彩矣。

書法 直書其事，貶義自見矣。

夏四月帝如汾陽宮○以李淵為山西河東撫

慰大使

以淵承制黜陟，討捕羣盜，淵行至龍門，擊賊帥毋端兒破之。**質實** 一統志云山西

古冀州地，漢冀州西境，河東等郡屬。司隸置并州，部刺史，察舉太原、上黨、雲中、鴈門等郡，而不常所治。東漢并州治晉陽，唐貞觀初置河東道，開元中置河東採訪處置使，治蒲州。

李渾以應識被戮而至此却不疑何也

後改採訪為觀察其治仍舊宋置河東路經畧安撫使以太原守臣兼領元以冀寧諸路直隸省部置河東山西道宣慰使司于大同置河東山西道肅致廉訪司于冀寧本朝置山西等處承宣布政使司領太原平陽大同三府澤潞汾遼五州云河東郡名注見漢獻帝建安七年龍門縣名注見文帝仁壽三年

秋八月帝巡北邊突厥始畢可汗入寇帝入鴈

門始畢圍之九月乃解

考異

提要入作之

初裴矩以突厥始畢可汗部衆漸盛獻策分其勢欲以宗女嫁其弟叱吉設拜為南面可

兵

汗叱吉不敢受始畢聞而慚怒突厥之臣史蜀胡悉多謀畧矩詐與為互市誘殺之遣使詔始畢曰史蜀胡悉叛可汗來降我已相為斬之始畢由是不朝八月帝巡北邊始畢帥騎數十萬謀襲乘輿義成公主先遣使者告變車駕馳入鴈門齊王暕以後軍保崞縣突厥圍鴈門城中兵民十五萬口食僅可支二旬鴈門四十一城突厥盡克之唯鴈門崞不下突厥急攻鴈門矢及御前帝大懼抱趙王杲而泣目盡腫宇文述勸帝檢精銳潰圍而出蘇威曰城守則我有餘力輕騎乃彼之所長陛下萬乘之主豈宜輕動尚書樊子蓋曰陛下乘危徼幸一朝狼狽悔之何及不若據堅城以挫其銳坐徵四方兵使入援陛下親

唐太宗初見太宗英畧勝人

撫循士卒論以不復征遼厚為勲格必人人自奮何憂不濟內史侍郎蕭瑀以為突厥之俗可賀敦預知軍謀且義成公主以帝女嫁外夷必恃大國之援若使一介告之借使無益庸又何損又發明詔諭將士以赦高麗專討突厥則眾心皆安人自為戰矣瑀皇后之弟也虞世基亦以是勸帝帝從之帝親巡將士謂之曰努力擊賊苟能保全凡在行陳勿憂富貴必不使有司弄刀筆破汝勲勞乃下令守城有功者無官直除六品有官以次增益於是眾皆踴躍晝夜拒戰又詔天下募兵守令競來赴難李淵之子世民年十六應募隸屯衛將軍雲定興說之曰始畢敢舉兵圍天子必謂我倉猝不能赴援故也宜畫馴引

能

旌旗令數十里不絕夜則鉦鼓相應虜必謂救兵大至望風遁去定興從之帝遣間使求救於義成公主公主遣使告始畢云北邊有急諸郡援兵亦至九月始畢解圍去帝遣驍追躡得老弱二千餘人而還

集覽

此吉設突厥謂別部典兵者曰設此吉其號也

格者百官有司之所常行者也唐太宗時士卒以軍功致位五品者豫士流時人謂之勲格可賀敦注見梁武帝普通元年

質實

乘輿注見漢安帝延元四年馬門郡各注見秦王政三年義成縣各注見唐懿宗咸通十年狼狽注見漢獻帝初平三年蕭瑀蘭陵人梁明帝之子

書法 高帝書被圍平城，不以足加首也。此書始畢圍之何，廣賊也。突厥圍之，不足為賊諱也。然則曷為以入寇書弒逆之賊，夷狄得而誅之，乃復解圍，是縱賊也。故從恒辭書寇。

冬十月帝還東都

考異

此上間無異事，帝字羨。

車駕還至太原，蘇威曰：「今盜賊不息，士馬疲弊，願陛下亟還西京，深固根本，為社稷計。」帝初然之。宇文述曰：「從官妻子多在東都，宜向洛陽，自潼關入。」帝從之。既至東都，顧眄街衢，謂侍臣曰：「猶大有人在，意謂平楊玄感殺人尚少故也。」蘇威追論勲格太重，宜加斟酌。樊

殘忍

以各賞失
為志

子蓋固請以為不宜失信。帝曰：「公欲收物情邪？」子蓋懼不敢對。帝性吝官賞，初平楊玄感，應授勲者多，乃更置戎秩，建節奮武，宣惠綏德，懷仁秉義，奉誠立信等尉。將士守鴈門者萬七千人，至是得勲者纔千五百人。一戰得第一勲者進一階，先無戎秩者止得立信尉。無勲者四戰進一階，又議伐高麗，由是將士憤怨。初，蕭瑀以外戚有才，行得掌機要，瑀性剛鯁，數言事忤旨。帝漸疎之，及鴈門圍解，帝謂羣臣曰：「突厥狂悖，勢何能為？」蕭瑀遽相恐動，情不可恕。候衛將軍楊子崇從至汾陽，知突厥必為寇，屢請早還，不納。至是怒之，曰：「子崇怯懦，驚動衆心，不可。」**質實** 太原郡名，注見居瓜牙官，皆出為郡守。齊明帝建武三

年并州社稷注見新莽天鳳元年潼關注見漢獻帝建安十六年陛下注見漢光武建武二十七年汾陽縣名注見大業十三年

詔江都更造龍舟

楊玄感之亂龍舟皆焚詔江都更造數千艘制度仍大於舊者質實艘疏鳩反船之

總名江都縣名注見漢獻帝興平元年

東海李子通據海陵

子通有勇力先依長白山賊帥左才相羣盜皆殘忍而子通獨寬仁由是人多歸之未半

歲有衆萬人才相忌之子通引去度淮與杜伏威合伏威選軍中壯士養爲假子凡三十餘人濟陰王雄誕臨濟關稜爲之冠旣而子通謀殺伏威遣兵襲之伏威被創雄誕負之以逃收散兵復振將軍來整又擊子通破之子通帥其餘衆奔海陵復收兵得二萬人

質實東海郡名注見秦二世二年淮水名注見漢後主延興二年臨濟縣名注見

秦二世二年濟陰縣名注見漢光武建武八年海陵縣名注見周世宗顯德五年

城父朱粲兵起

粲始爲縣佐史從軍亡命聚衆爲盜謂之可達寒賊自稱迦樓羅王衆至十餘萬引兵轉

掠荆沔及山南郡縣所過噍類無遺

集覽

城父注見秦二世二年下城父噍類注見

漢宣帝地

質實

荆沔二州名荆注見漢獻帝建安十二年沔注見晉孝武

帝太元

六年

十二月李淵擊敬盤隋等降之

詔樊子蓋發關中兵數萬擊絳賊敬盤隋等自汾北村塢盡焚之賊有降者皆阬之百姓怨憤益相聚為盜詔以李淵代之有降者淵引置左右由是賊眾多降

集覽

汾

汾水之北注見周

質實

絳州名生見宋文帝元嘉二十三年東雍

威烈王二十三年

帝德

丙子十二年

楚帝林士弘

春正月分遣使者發兵

兵

擊諸起兵者

朝集使不至者二十餘郡始議分遣使者十二道發兵討捕盜賊

集覽

朝集使自

外入朝與朝班者曰朝集使

書法

諸起兵者何惡廣也綱目賊廣故不書羣盜書諸起兵者此綱目之新例

也凡書起兵者皆以自敗為文

發明

分注載討捕盜賊而綱目乃變文書發兵擊諸起兵者書法若此畧無一

毫怒湯之意其討賊之意終始不易凡此類非綱目不能修也

作毘陵宮

毘

詔毘陵通守集十郡兵數萬人於郡東南起宮苑周圍十二里內為十六離宮大抵倣東都西苑之制

集覽

毘陵春秋吳延陵季子之邑秦置會稽郡延陵屬焉

漢改延陵為毘陵晉置毘陵郡隋改常州

質實

一統志云毘陵古邑名秦為會稽郡

地漢因之東漢永建中分屬吳郡三國吳分無錫以西為屯田置典農校尉晉太康初省校尉分吳郡置毘陵郡東晉初改為晉陵郡徙治京口後還治晉陵縣宋齊梁陳皆因之

隋開皇中廢郡置常州大業初改為毘陵郡唐武德初復改為常州天寶初又改為晉陵郡乾元初復為常州五代時屬揚吳及南唐仍改為常州屬浙西路元陞為常州路隸江浙行省本朝初改為常州府直隸京師

注見大業元年離宮

三月宴群臣於西苑

上巳帝與羣臣飲於西苑水上命學士采古水事七十二以木為之間以妓航酒船人物自動能成音曲

發明

孟子曰不仁者可與言哉安其危而利其菑樂其所以亡者不仁而可與

言則何亡國敗家之有隋煬至此滅亡無日方且更造龍舟作毘陵宮今又宴遊西苑沉湎不已雖天醜其惡將欲殪之然煬之所以自速其亡者亦太甚矣綱目悉書于冊觀者可不鑒哉

張金稱擊破平恩等郡

考異郡當作縣

金稱比諸賊尤殘暴所過民無孑遺

質實

子遺注見齊主昭業隆昌元年平恩縣名

注見梁武帝天監十五年

夏四月大業殿火

大業殿西院火帝以為盜起驚走匿草間火定乃還帝自八年以後每夜眠中恒驚悸云有賊令數婦人搖撫乃得眠

魏刀兒將甄翟兒攻太原將軍潘長文戰死

五月朔日食既

質實

日食既注見漢惠帝七年

書法

食既大變也間一歲而隋亡矣綱目書食既十有二無不有應者詳漢惠

帝七年免者其惟漢明帝乎

○除納言蘇威名

逃

帝問侍臣盜賊翊衛大將軍宇文述曰漸少
 納言蘇威引身隱柱帝呼問之對曰臣非所
 司不喻多少但患漸近帝曰何謂也威曰他
 日賊據長白山今近在汜水且往日租賦丁
 役今皆何在豈非其人皆化為盜乎比見奏
 賊皆不實遂使失於支計不時剪除又昔在
 鴈門許罷征遼今復徵發賊何由息帝不悅
 屬五月五日百條多饋珍翫威獨獻尚書或
 譖之曰尚書有五子之歌威意甚不遜帝益
 怒頃之帝問威以伐高麗事威欲帝知天下
 多盜對曰今茲之役願不發兵但赦羣盜自
 可得數十萬遣之東征高麗可滅帝不懌威
 出裴蘊奏曰此大不遜天下何處有多許賊
 帝曰老革多姦以賊脇我欲批其口且復隱

大不差

忍蘊知帝意遣河南白衣張行本奏威昔典
 選濫授人官案驗獄成詔除名為民後月餘
 復有奏威與突厥陰圖不軌者蘊處威死威
 無以自明但摧謝而已帝憫而釋之遂并其
 子孫皆除名

集覽 老革革音棘三國漢彭美罵昭
 烈曰老革荒悖注革獸皮也老
 革皮色枯瘁之形一說革
 兵也罵為老革猶老兵也

質實 汜水注見漢
 書上古之書即伏生所授者今謂之書經凡
 五十九篇五子之歌書傳云五子夏啓之子
 太康之弟也歌與帝舜作歌之歌同義
 詳見夏書不軌注見漢靈帝光和五年

秋七月帝如江都命越王侗留守殺諫者任宗

崔民象王愛仁

考異

提要命越王侗留
守王愛仁下

士氣

佛諫殺賢
惟恐亡之
不速

江都龍舟成送東都宇文述勸幸江都帝從
 之將軍趙才諫曰今百姓疲勞府藏空竭盜
 賊蜂起禁令不行願陛下還京師安兆庶帝
 大怒以屬吏旬日出之朝臣皆不欲行無敢
 諫者建節尉任宗上書極諫即日於朝堂杖
 殺之遂幸江都命越王侗與光祿大夫段達
 大府卿元文都民部尚書韋津右武衛將軍
 皇甫無逸右司郎盧楚等總留後事帝以詩
 留別宮人曰我夢江都好征遼亦偶然奉信
 郎崔民象以盜賊充斥於建國門上表諫帝
 大怒先解其頤然後斬之虞世基以盜賊充
 斥請發兵屯洛口倉帝曰卿是書生定猶惟

怯勅移箕山公路二府於倉內仍令築城以
 備不虞至汜水奉信郎王愛仁復上表請還
 西京斬之至梁郡郡人邀駕上書曰陛下
 若遂幸江都天下非陛下之有又斬之

實皇甫無逸萬年人盧楚范陽人景祚之孫
 箕山公路二府未詳其義唯河南府登封

縣東南三十里有箕山注見新莽始建國四
 年又鳳陽府城及盱眙縣境有公路城相傳
 皆漢末袁術所築此二處未知是否姑錄此
 以備參考洛口倉注見大業七年梁郡注見
 漢景帝三年梁國

書法

殺諫者多矣未有以諫者書書諫者
何罪廣且予三子也三子官微書諫

者予之也十年如東都殺庾質今年如江
都殺諫者三人焉自古未有好遊復諫如
煬帝者矣若
是有不亡乎

發明 煬之必亡豈待殺諫者而後及哉然
猶列書之者所以為後世戒耳綱目

豈獨為
煬設乎

遣光祿大夫陳稜擊李子通等敗之

時李子通據海陵左才相掠淮北杜伏威屯
六合眾各數萬帝遣稜將宿衛精兵八千討
之往往
質實 六合縣名注見陳宣
帝太建五年秦郡
克捷

冬十月許公宇文述卒

初述子化及智及皆無賴化及事帝於東宮
帝寵昵之從幸榆林化及智及冒禁與突厥
交市帝怒將斬之既而釋之賜述為奴述卒
帝復以化及為右屯衛將軍智及為將作少

監
質實 許縣名注見漢光武建武八年長社
東宮注見宋文帝元嘉二十七年突

厥北狄國名注見梁武帝大同十一年
榆林郡名注見文帝開皇十九年勝州

書法 述也卒書爵何著廣私也廣之大逆
述有力焉綱目前以復官爵書此以
爵卒廣之微情著矣是故以爵卒賈充所
以著晉氏之私以爵卒宇文述所以著楊



廣之私

翟讓李密起兵攻滎陽張須陁擊之敗死

李密之亡也。往依郝孝德。孝德不禮之。又入王薄。薄亦不之奇也。密困乏。變姓名。聚徒教授。郡縣疑而捕之。密亡去。抵其妹夫雍丘令丘君明。君明轉寄於遊俠王秀才家。為君明從姪懷義所告。帝令懷義與梁郡通守楊汪捕之。汪遣兵圍秀才宅。值密出外獲免。韋城翟讓為東都法曹。坐事當斬。獄吏黃君漢。奇其驍勇。夜謂讓曰。天時人事。抑亦可知。豈能守死獄中乎。讓驚喜叩頭。君漢即破械出之。讓再拜曰。讓蒙再生之恩。則幸矣。奈曹主何。

因泣下。君漢怒曰。本以公為大丈夫。可救生民之命。故不顧其死。以奉脫。奈何反効兒女子涕泣相謝乎。君但努力自免。勿憂吾也。讓遂亡命於瓦崗。為羣盜。同郡單雄信。驍健。善馬槊。聚少年往從之。離狐徐世勣。年十七。有勇畧。說讓曰。東郡於公與勣。皆為鄉里。人多相識。不宜侵掠。滎陽梁郡。汴水所經。剽行舟商旅。足以自資。讓然之。引眾入二郡界。掠公私船。資用豐給。附者益眾。至萬餘人。時又有外黃王當仁。濟陽王伯當。韋城周文舉。雍丘李公逸等。皆擁眾為盜。李密自雍丘亡命。往來諸帥間。說以取天下之策。始皆不信。久之。稍以為然。相謂曰。今人皆云楊氏將滅。李氏將興。吾聞王者不死。斯人再三獲濟。豈非其

人乎由是漸敬密。密察諸帥，唯翟讓最彊。乃因王伯當以見讓，爲讓畫策。往說諸小盜皆下之。讓悅，密因說讓曰：「劉項皆起布衣爲帝王，今主昏於上，民怨於下，銳兵盡於遼東，和親絕於突厥，方且巡遊揚越，委棄東都，此亦劉項奮起之會也。以足下雄才大畧，士馬精銳，席卷二京，誅滅暴虐，隋氏不足亡也。」讓謝曰：「吾儕羣盜，偷生草間，君言非所及也。」有李玄英者，自東都逃來，經歷諸賊，求訪李密，云：「斯人當代隋，家人問其故，玄英言比來民間謠歌曰：『桃李子，皇后繞揚州，宛轉花園裏，勿浪語，誰道許。』桃李子，謂逃亡者李氏之子也。莫浪語，誰道許者，密也。旣與密遇，遂委身事之。前宋城尉房彥藻，自負其才，恨不爲時用。

預於楊玄感之謀，變姓名亡命，遇密遂與俱。遊漢沔，徧入諸賊，說其豪傑，還日從者數百人，仍爲遊客，處於讓營。讓見密爲豪傑所歸，欲從其計，猶預未決。有賈雄者，曉陰陽占候，言無不用，密深結之，使託術數以說讓。讓果以密言問之，對曰：「吉不可言，然公自立恐未必成。若立斯人，事無不濟。」讓然之。密因說讓曰：「今四海糜沸，不得耕耘，公士衆雖多，食無倉廩，唯資野掠，常苦不給。若曠日持久，加以大敵臨之，必渙然離散，未若先取滎陽。休兵館穀，待士馬肥充，然後與人爭利。讓從之。於是攻滎陽，諸縣多下之。帝徙張須陁爲滎陽通守以討之。讓彘數爲須陁所敗，聞其來，大懼，將避之。密曰：「須陁勇而無謀，兵又驟勝，旣

驕且狠，可一戰擒也。分兵千餘人伏林間。須
 施方陳而前。讓與戰不利。須施乘之。逐北十
 餘里。密發伏掩之。須施兵敗。密與讓及徐世
 勣、王伯當合軍圍之。須施戰死。部兵號泣。數
 日不止。河南郡縣為之喪氣。詔以裴仁基代
 領其眾。徙鎮虎牢。讓乃令密建牙別統所部。
 號蒲山公營。密部分嚴整。躬服儉素。所得金
 寶悉頒賜麾下。由是人為之用。然麾下多為
 讓士卒所陵辱。亦不敢報也。讓謂密曰：「今資
 糧粗足，意欲還向瓦崗。公若不往，唯公所適。
 讓從此別矣。」乃帥輜重東引。密亦西行至康
 城。說下數城。大獲資儲。讓尋悔之，復引兵從
 密。

集覽

離狐 括地志云離狐故城在曹州王
 者不死 王去聲大元經曰五行用事

者王言其人有王氣，未必能殺之也。斯人再
 三獲濟，斯人謂李密也。初楊玄感兵敗，密被
 執以計亡去。聚徒教授郡縣，捕之又亡。抵王
 秀才家，帝令捕之。值出獲免。凡再三皆得不
 死。館穀因其軍之館，食其軍之穀也。左傳僖
 二十八年楚師敗績，晉師三日館穀。注館舍
 也。食楚軍之穀三日。建牙注
 見漢獻帝初平三年牙門 **正誤** 王者不死
 字 **質實** 雍丘縣名注見漢桓帝延熹四年遊
 志云韋城縣名隋初所置屬東郡本殷伯豕
 韋氏之國金省入白馬縣故址在大名府滑
 縣東南五十里離狐漢之縣名屬濟陽郡隋
 因之唐改為南華縣屬曹州金省之故城在

兖州府曹縣界內徐世勣唐武德初賜姓李
 氏附宗正籍屬東郡注見漢光武建武八年
 沛水源自開封府界急流過蕭縣至徐州城
 東北與泗水通蘇軾詩沛水交流處清潭百
 丈深外黃縣名注見漢靈帝建寧二年濟陽
 縣名注見漢元帝永光四年劉項謂劉邦項
 羽楊越二州名楊注見漢武帝元朔五年淮
 南越注見漢和帝永元元年會稽宋城縣名
 注見漢後主延熙十八年漢沔二水名注見
 漢獻帝建安十二年猶預注見漢光武建武
 六年通守官名漢謂之別駕隋謂之治中唐
 謂之通守又謂之贊治宋謂之通判今因之
 云逐北注見周赧王三十一年虎牢縣名注
 見晉帝奕太和四年麾下注見漢獻帝建安

十四年瓦崗未詳處
 所康城未詳沿革

十二月鄱陽林士弘稱楚帝據江南

鄱陽賊帥操師乞自稱元興王攻陷豫章郡
 以其鄉人林士弘為大將軍詔治書侍御史
 劉子翊將兵討殺之士弘代統其眾與子翊
 戰殺子翊兵遂大振至十餘萬人自稱皇帝
 國號楚建元太平豪傑爭殺隋守令以郡
 縣應之北自九江南及番禺皆為所有質
 實鄱陽郡名注見梁武帝太清二年豫章郡
 注見漢武帝元鼎五年劉子翊彭城人九
 江郡名注見晉明帝太寧二年潯
 陽番禺縣名注見漢高帝十一年

以李淵為太原留守擊甄翟兒破之

詔以李淵為太原留守以郎將王威高君雅為之副將兵討甄翟兒遇於雀鼠谷淵眾纔數千賊圍數匝李世民將精兵救之拔淵於萬眾之中會步兵至合擊大破之

集覽

雀鼠谷在西河郡界中其地險固按西河今太原府汾州是

質實

一統志云雀鼠

谷在汾州介休縣西南二十一里唐玄宗開元中北巡并州嘗經此處

蔡王智積卒

帝踈薄骨肉智積每不自安及病不呼醫臨終謂所親曰吾今日始知得保首領沒於地

矣

集覽

得保首領沒於地矣首領項也左傳隱三年宋穆公疾召孔父曰寡人

得保首領以沒云云謂我得保全首領而善終也

太僕楊義臣擊張金稱高士達斬之竇建德收

其眾取饒陽詔罷義臣兵

群盜寇掠河北屠陷郡縣隋將帥敗亡相繼唯虎賁中郎將王辯清河郡丞楊善會數有功善會前後七百餘戰未嘗負敗至是太僕楊義臣討張金稱義臣引兵據永濟渠為營去金稱營四十里深溝高壘不與戰金稱日引兵至義臣勒兵環甲約與之戰既而不出

如是月餘，金稱以爲怯，屢逼其營，詈辱之。義臣乃謂曰：汝明旦來，我當必戰。金稱易之，不復設備。義臣檢精騎二千，夜自館陶濟河，伺金稱離營，卽入擊其累重。金稱引還，義臣從後擊之，金稱大敗，與左右逃於清河之東。月餘，楊善會擒殺之，詔以善會爲清河通守。時涿郡通守郭絢將兵討高士達，士達自以才畧不及寶建德，乃進建德爲軍司馬，悉以兵授之。建德請士達守輜重，自檢精兵拒絢，詐爲與士達有隙而叛，遣人請降于絢，願爲前驅自效。絢引兵隨之，至長河，建德襲之，殺數千人，斬絢首。張金稱餘衆皆歸建德。楊義臣乘勝欲討之，建德謂士達曰：歷觀隋將善用兵者，無如義臣，今滅張金稱而來，其鋒不可

當請引兵避之，使其欲戰不得，坐費歲月，將士疲倦，然後乘間擊之，乃可破也。不然，恐非公之敵。士達不從，留建德守營，自帥精兵逆擊義臣，戰小勝。因縱酒高宴，建德聞之，曰：東海公未能破敵，遽自矜大，禍至不久矣。後五日，義臣大破士達，斬之，其兵皆潰。建德與百餘騎亡去，至饒陽，乘其無備，攻陷之，收兵得三千餘人。義臣以爲建德不足憂，引去。建德還平原，收散兵，葬死者，爲士達發喪，軍復大振。自稱將軍。先是羣盜得隋官及士族子弟，皆殺之，獨建德善遇之。由是隋官稍以城降之，聲勢日盛。勝兵至十餘萬人。內史郎虞世基以帝惡聞盜賊，諸將有告敗求救者，皆不以聞。或杖其使者，以爲妄言。由是盜賊徧海

有功不錄
遺解其權
見敗之道
劫之甚是
然亦晚矣

內帝皆弗之知。楊義臣破降河北賊數十萬，列狀上聞。帝歎曰：我初不聞賊頓如此。義臣降賊何多也。世基對曰：小竊雖多，未足為慮。義臣克之，擁兵不少。久在閩外，此最非宜。帝曰：卿言是也。遽追義臣，放散其兵。賊由是復盛。治書侍御史韋雲起劾奏世基及御史大夫裴蘊職典樞要，四方告變，不為奏聞。賊多言少，致發兵不多，往皆不克。故使官軍失利。賊黨日滋，請付有司，結正其罪。大理卿鄭善果奏雲起言不實，左遷大理司直。集覽：累重，累謂妻子。質實，清河郡。注見漢安帝建光元年。甘陵，楊善會。華陰人。館陶縣。注見晉孝武帝太元九年。長沙郡。注見漢獻帝興平元年。饒陽縣。注見唐憲宗元和七年。輜重，注見周顯王三十六年。

帝至江都

見漢帝玄更始二年。涿郡注同上年。虎賁中郎注見新莽地皇二年。永濟渠注見大業三年。平原郡注見陳宣帝太建八年。安德、東海郡注見秦二世二年。郟左遷注見唐憲宗元和七年。輜重注見周顯王三十六年。

民困極矣
可為痛心

諸物皆盡，乃自相食，而官倉猶充物，吏皆畏法，莫敢賑救。王世充密為帝簡閱江淮民間美女獻之，由質實歷陽郡注見漢沖帝永嘉元年饑饉朱子曰穀不熟是益有寵曰饑菜不熟曰饉克初注見宋明帝泰始元年

遣江都通守王世充擊河間格謙，斬之。謙黨高

開道收其眾掠燕地。

謙擁眾十餘萬，據豆子蘄，自稱燕王。帝命王世充將兵討斬之。謙將高開道收餘眾寇掠燕地，軍質實河間郡注見漢帝玄更始二年寇掠注見恭帝皇泰二年抄

掠

虎賁郎將羅藝起兵涿郡。

初帝謀伐高麗，械器資儲皆積於涿郡。又臨朔宮多珍寶，諸賊競來侵掠，留守官不能拒。唯虎賁郎將羅藝獨出戰，前後破賊甚眾，將作亂。先宣言以激其眾曰：吾輩討賊數有功，城中倉庫山積，制在留守之官，而莫肯散施以濟貧乏，將何以勸將士？眾皆憤怨，軍還郡。丞出城候藝，藝因執之，陳兵而入，發庫物以賜戰士，開倉廩以賑貧乏。境內咸悅，殺渤海太守唐禕等數人，柳城懷遠並歸之。藝自稱幽州總管，改柳城郡為營州，以鄧暲為總管。

質實

渤海郡名注見晉穆帝永和六年滄州柳城縣名注見漢獻帝建安十二年幽州注見唐高祖武德四年營州注見晉武帝太康三年懷遠鎮名未詳處所

詔李淵擊突厥

突厥數寇北邊詔李淵與馬邑太守王仁恭擊之時突厥方彊兩軍不滿五千淵選善騎射者二千人使之飲食舍止一如突厥或與突厥遇則伺便擊之前後屢捷

質實

馬邑郡名注見漢高帝六年突厥北狄種名注見梁武帝大同十一年

丁丑十三年

恭帝有義寧元年○長樂王竇建德

周天興元梁王梁師都永隆元秦王薛舉秦興元梁王蕭銑鳴鳳元○是歲并楚凡八國春

正月陳稜討杜伏威敗績伏威遂據歷陽

考異

按九年書張須陁擊王薄來護兒等擊楊玄感十二年書陳稜擊李子通李淵擊甄翟兒此年書王世充擊盧明月並不書討以群盜自相攻擊故也此書討傳誤

稜討杜伏威伏威帥眾拒之稜閉壁不戰伏威遺以婦人之服謂之陳姥稜怒出戰伏威奮擊大破之乘勝破高郵引兵據歷陽自稱總管以輔公祐為長史分遣諸將徇屬縣所至輒下江淮間小盜爭附之伏威常選敢死之士五千人謂之上募寵遇甚厚有攻戰令

先擊之，戰罷閱視，有傷在背者，即殺之，所獲資財，皆以賞軍士。有戰死者，以妻妾殉葬，故人自為戰。**集覽** 殉葬，注見唐太宗所向無敵。**貞觀二十三年** **質實** 一統志云

高郵 古邑名，春秋時為吳邗溝地，秦為高郵亭，漢置高郵縣，屬廣陵國，晉屬臨淮郡，宋屬廣陵郡，隋屬江都郡，唐屬揚州，宋開寶中以縣置高郵軍，後罷軍，縣屬揚州。元祐中復置軍，建炎中陞為承州，紹興末復為軍。元至元中置高郵路，後改為府，屬揚州路。本朝初改為州，以縣省入，仍屬揚州府。歷陽縣名，注見漢沖帝永嘉元年。

竇建德稱長樂王 **質實** 長樂郡名，注見秦二世二年信都。○魯

郡徐圓朗兵起

圓朗攻陷東平，分兵略地，自琅邪以西，北至東平，盡有之，勝兵二萬餘人。**質實** 魯

注見漢景帝二年濟南東平郡名，注見漢獻帝興平元年琅邪郡名，注見漢光武建武五年。

盧明月掠河南遣王世充擊斬之

明月轉掠河南，至于淮北，眾號四十萬，帝命王世充討之，戰于南陽，大破之，斬明月，餘眾

皆散。**質實** 盧明月，涿郡人，南陽縣名。注見周赧王十七年宛。

二月馬邑校尉劉武周朔方郎將梁師都各據郡起兵

馬邑太守王仁恭多受貨賂不能振施郡人劉武周驍勇喜任俠為鷹揚府校尉仁恭甚親厚之令帥親兵屯閣下武周與仁恭侍兒私通恐事泄謀亂先宣言曰今百姓饑饉僵屍滿道王府君閉倉不賑卹豈為民父母之意乎眾皆憤怒武周稱疾卧家豪傑來候問武周椎牛縱酒因大言曰壯士豈能坐待溝壑今倉粟爛積誰能與我共取之豪傑皆許諾武周入謁仁恭其黨隨入斬仁恭持其首出徇郡中無敢動者於是開倉以賑饑民馳檄境內收兵得萬餘人遣使附于突厥師都亦殺郡丞據郡附突厥

質實

任俠注見

漢帝玄更始元年馳檄馳奔走也檄注見楚義帝元年

翟讓李密據興洛倉擊敗東都兵讓推密稱魏公略取河南諸郡

李密說翟讓曰今東都空虛越王冲幼政令不一士民離心段達元文都闇而無謀以僕料之彼非將軍之敵若將軍能用僕計天下可指麾而定也乃遣其黨覘東都虛實留守官司覺之始為守備馳告江都密曰事勢如此不可不發今百姓飢饉洛口倉多積粟將

軍若親行掩襲彼未能救取之如拾遺耳發
 衆以賑窮乏遠近孰不歸附百萬之衆一朝
 可集枕威養銳以逸待勞縱彼能來吾有備
 矣然後檄召四方引賢豪而資計策選驍悍
 而授兵柄除亡隋之社稷布將軍之政令豈
 不盛哉讓曰此英雄之畧非僕所堪惟君之
 命盡力從事於是密讓將精兵七千人出陽
 城讓興洛倉開倉恣民所取老弱襁負相屬
 時德叡以尉氏應密祖君彥往歸之君彥珽
 之子也博學強記文辭贍敏薛道衡嘗薦之
 於高祖高祖曰是歌殺斛律明月人兒邪朕
 不須此輩帝卽位尤疾其名調宿城令君彥
 恒鬱鬱思亂密得之喜引爲上客越王侗遣
 郎將劉長恭帥步騎二萬五千討密而使河

李密稱魏
 公改元

南討捕使裴仁基等自汜水西入以掩其後
 時東都人皆以密爲飢賊盜米烏合易破爭
 來應募衣服鮮華旗鼓甚盛陳於石子河西
 密讓選驍雄分爲十隊令四隊伏嶺下以待
 仁基以六隊陳於石子河東長恭等見密兵
 少輕之讓先接戰不利密帥麾下橫衝之隋
 兵大敗死者什五六密讓威聲大振讓於是
 推密爲主號魏公稱元年其文書行下稱行
 軍元帥府拜讓司徒單雄信徐世勣爲大將
 軍各領所部房彥藻邴元真爲長史祖君彥
 爲記室於是趙魏以南江淮以北群盜莫不
 響應悉拜官爵使各領其衆置百營簿以領
 之衆至數十萬乃廣築洛口城周四十里而
 居之遣彥藻將兵東畧地取安陸汝南淮安

濟陽河南郡集覽歌殺斛律明月人兒北齊

縣多陷於密集覽丞相斛律光字明月北周

患之為謠言曰高山不推自崩擗木不扶自

舉令間諜傳言於齊齊祖珽欲陷光因續之

曰盲老公背受大斧饒舌老母不得語齊主

遂執光而殺之是祖珽歌殺之也君彥珽之

子也質實一統志云陽城古邑名禹避舜子

故云於陽城即此漢置陽城崇高二縣

屬潁川郡東漢省崇高縣入陽城晉屬河南

郡東魏析置堙陽縣改曰武林後又改曰嵩

陽與陽城並屬河南郡隋因之唐初屬嵩州

尋改陽城曰告成嵩陽曰登封後又改告成

曰陽邑五代周時省陽邑入登封宋金元仍

舊本朝因之改屬河南府襁負注見漢殤

帝延平元年尉氏縣名注見漢桓帝建和元

年祖君彥范陽人宿城古邑名秦為須昌縣

漢晉因之隋改宿城縣又別置須昌五代唐

改曰須城自晉以來皆為郡附郭本朝省

之故址在兗州府東平州境魏縣名注見漢

成帝綏和二年記室官名事物紀原云魏太

祖所置以陳琳阮瑀為記室掾其官始見于

魏武之世矣宋用晉制自明帝後皇子弟雖

非都督亦置記室參軍則記室而為參軍晉

官也宋朝亦置于諸王府曰某王府記室也

洛口城在河南府鞏縣西南安陸郡名注見

周世宗顯德五年汝南郡名注見漢光武建

武十九年淮安郡名注見齊武帝永明五年

濟陽郡名注見漢元帝永光四年河南郡名

注見漢元帝永光四年河南郡名

注見漢元帝永光四年河南郡名

注見漢元帝永光四年河南郡名

注見漢元帝永光四年河南郡名

注見漢元帝永光四年河南郡名

注見漢元帝永光四年河南郡名

注見秦莊襄王元年三川

三月突厥立劉武周為定楊可汗取樓煩定襄

鴈門諸郡

武周襲破樓煩郡進取汾陽宮獲隋宮人以賂突厥始畢可汗始畢以馬報之兵勢益振又攻陷定襄突厥立武周為定楊可汗遺以狼頭纛武周即皇帝位改元以衛士楊伏念為左僕射妹婿苑君璋為內史令引兵圍鴈門郡丞陳孝意悉力拒守乘間出擊武周屢破之既而外無救援遣間使詣江都皆不報孝意誓以必死旦暮向詔敕庫俯伏流涕悲

武周即改元

賢

動左右百餘日食盡投尉張倫殺孝意以降

集覽

狼頭纛注見陳宣帝太建十三年

質實

樓煩郡注見周赧王八年定襄郡名注見晉懷帝永嘉六年定楊可汗定楊郡

名注見陳宣帝太建十一年可汗夷狄君長之號注見漢後主景耀四年

梁師都取雕陰弘化延安等郡自稱梁帝引突

厥寇邊

師都畧定雕陰弘化延安等郡遂即皇帝位國號梁始畢遺以狼頭纛號為大度毘伽可汗師都乃引突厥居河南之地攻破鹽川郡

質實

雕陰郡名注見周顯王三十五

國勢

梁師都即位改元

通鑑綱目

隋煬皇帝大業十三年

三

正編

年弘化郡名注同上四十一年義渠延安郡名注見梁武帝普通六年鹽川郡未詳沿革唯鞏昌府漳縣西南五里有鹽川寨乃趙宋所置後改為鎮未知是否明者察之

流人郭子和起兵榆林突厥以為屋利設

翊衛郭子和坐事徙榆林會郡中大饑子和潛結敢死士十八人執郡丞數以不恤百姓斬之開倉賑施自稱永樂王有二千餘騎南連梁師都北附突厥始畢以劉武周為定楊天子梁師都為解事天子子和為平楊天子子和固辭不敢當乃更以為屋利設

覽

屋利設突厥俗謂別部典兵者曰設屋利乃一設之號

質實

榆林郡名注見

集

國勢

文帝開皇十九年勝一統志云永樂本漢北平縣地名屬中山國後魏析置永樂縣及置樂浪郡北齊屬黎郡隋初罷郡以縣屬易州唐天寶初改為滿城縣五代晉時徙泰州治此後省入清苑縣金復析置滿城縣元仍舊本朝初因之改屬保定府

夏四月金城校尉薛舉起兵隴西自稱西秦霸王

王

舉驍勇絕倫家貲巨萬交結豪傑雄於西邊為金城府校尉時隴右盜起金城令郝瑗募兵得數千人使舉將而討之方授甲置酒饗士舉與其子仁杲及同黨十三人於座劫瑗

國勢

薛仁果據
稱秦霸王

通鑑綱目

卷三十七

七

發兵開倉賑施自稱西秦霸王招集群盜掠
官牧馬賊帥宗羅睺帥眾歸之選精銳克抱
罕岷山羗酋鍾利俗擁眾二萬歸之舉兵大
振以仁果為齊王領東道行軍元帥少子仁
越為晉王兼河州刺史羅睺為興王以副
仁果未幾盡得隴西之地眾至十三萬

質

實

隴西郡名注見唐太宗貞觀十八年蘭州
郡名注見漢後王建興六年南安抱

罕縣名注見晉穆帝永和元年一統志云岷
山在陝西岷州衛城北山黑無樹木洮水經

其下相傳夏禹見長人受黑玉書於此齊州
名注見漢景帝三年濟南晉州名注見漢獻

帝建安七年河東河州注見晉穆帝永
和元年興州名注見晉懷帝永嘉四年

國勢

河南討捕使裴仁基以虎牢降李密密攻東都

入其郭

李密以孟讓為總管使夜帥步騎入東都外
郭燒掠於是東都居民悉遷入宮城鞏縣長
柴孝和監察御史鄭頌以城降密密以孝和
為護軍頌為右長史裴仁基每破賊得軍資
悉以賞士卒監軍御史蕭懷靜不許屢求仁
基長短劾奏之倉城之戰仁基失期不至恐
獲罪李密使人說之賈閏甫勸仁基降密仁
基曰如蕭御史何閏甫曰蕭君如栖上雞若
不知機變在明公一刀耳仁基從之遣閏甫
詣密請降密大喜以閏甫為參軍使之復命

通鑑綱目

卷三十七 隋煬皇帝大業十三年

七

正編

仁基還屯虎牢，蕭懷靜密表其事，仁基知之，遂殺懷靜，帥其眾以虎牢降密。密以仁基為上柱國，密得秦叔寶及程咬金，皆以為驍騎。咬金後更名知節。羅士信、趙仁基皆帥眾歸密，密署為總管，使各統所部。遣裴仁基、孟讓帥二萬餘人襲回洛倉，破之，遂燒天津橋，縱兵大掠東都，出兵擊之。仁基等敗走，密自帥眾屯回洛倉，攻偃師、金墉，皆不克，還洛口。東都城內乏糧，而布帛山積，至然布以爨。越王侗使人運回洛倉米入城，遣兵屯豐都市上春門北邛山，為九營以備密。汝陰淮陽降密，密復據回洛倉。段達等出兵拒之，敗走。密遂移檄郡縣，數帝十罪，且曰：「罄南山之竹，書罪

諂曲誤國
與高闕如
出一轍

無窮，決東海之波，流惡難盡。祖君彥之辭也。越王侗遣太常丞元善達間行詣江都，奏曰：「李密圍逼東都，城內無食，若陛下速還，烏合必散。不然者，東都決沒。」因歔嗚咽，帝為之改容。虞世基進曰：「越王年少，此輩誑之，若如所言，善達何緣來至？帝乃怒曰：「善達小人，敢廷辱我，因使向東陽催運，善達遂為羣盜所殺。是後人莫敢以賊聞。世基容貌沈審，言多合意，特為帝所親愛，鬻官賣獄，其門如市，朝野共疾怨之。舍人封德彝託附世基，以世基不閑吏務，密為指畫，諂順帝意，表疏忤旨者皆屏而不奏，鞠獄多峻文，深詆行賞，則抑削就薄，故世基之寵日隆，而隋政益壞，皆德彝所為也。」

集覽

頰他領反，咬五巧反，峻文

深詆注見漢成

質貫

鞏縣注見漢王邦三年

帝永始二年程巖金濟州東阿人一

統志云天津橋在河南府城外西南架洛水

隋煬帝建用大船連以鐵鎖南北夾起四樓

唐貞觀中始甃石為岸即宋邵雍聞杜鵑處

偃師縣名注見唐肅宗至德二年金墉城名

注見魏元帝咸熙二年北邙山注見漢靈帝

中平六年汝陰郡名注見梁武帝天監二年

潁州淮陽郡名注見周赧王三十七年陳國

獻歛注見漢光武建武元年東陽郡名注見

晉哀帝興寧三年回洛東倉未詳處

所江都縣名注見漢獻帝興平元年

國勢

五月李淵起兵太原殺副留守王威高君雅

初淵娶於神武肅公竇毅生四男建成世民

玄霸元吉一女適太子千牛備身臨汾柴紹

世民聰明勇決識量過人見隋室方亂陰有

安天下之志傾身下士散財結客咸得其歡

心娶長孫晟女晟族弟右勳衛順德與右勳

侍劉弘基皆避遼東之役亡命晉陽與世民

善左親衛竇琮亦亡命太原素與世民有隙

世民加意待之琮意乃安晉陽宮監裴寂晉

陽令劉文靜相與同宿見城上烽火寂歎曰

貧賤如此復逢亂離何以自存文靜笑曰時

通鑑綱目

卷三十七

隋煬皇帝大業十三年

八

正編

期得便大

范氏用舊史以世民陷父于罪脇以起兵今特明叙以正其謬

王者之師順天應人

不能定也。世民曰：安知其無？但人不識耳。我來相省，非兒女之情，欲與君議大事也。計將安出？文靜曰：今主上南巡江淮，李密圍逼東都，羣盜殆以萬數。當此之際，有真主驅駕而用之，取天下如反掌耳。太原百姓皆避盜入城，文靜為令數年，知其豪傑，一旦收集，可得十萬人。尊公所將之兵，復且數萬，一言出口，誰敢不從？以此乘虛入關，號令天下，不過半年，帝業成矣。世民笑曰：君言正合我意，乃陰部署賓客，淵不之知也。世民恐淵不從，久不敢言。淵與裴寂有舊，每相與宴語，或連日夜，文靜欲因寂關說，乃引寂與世民交。世民出私錢數百萬，與寂博，稍以輸之。寂大喜，由是款狎。世民乃以其謀告之。寂許諾，會突厥寇

馬邑，淵遣高君雅將兵，與王仁恭拒之，不利。恐并獲罪，甚憂之。世民乘間屏人說淵曰：今主上無道，百姓困窮，晉陽城外皆為戰場，大人若守小節，下有寇盜，上有嚴刑，危亡無日，不若順民心，興義兵，轉禍為福。此天授之時也。淵大驚曰：汝安得為此言？吾今執汝以告縣官。世民徐曰：世民觀天時，人事如此，故敢發言，必欲執告，不敢辭死。淵曰：吾豈忍告汝？汝慎勿出口。明日世民復說淵曰：人皆傳李氏當應圖讖，故李金才無罪，一朝族滅，大人設能盡賊，則功高不賞，身益危矣。惟昨日之言，可以救禍，此萬全之策也。願大人勿疑。淵乃歎曰：吾一夕思汝言，亦大有理。今日破家亡軀，亦由汝。化家為國，亦由汝矣。先是裴寂

此胡氏之
二不必

通鑑綱目 卷三十七

私以晉陽宮人侍淵至是淵從寂飲酒酣寂從容言曰二郎陰養士馬欲舉大事正為寂以官人侍公恐事覺并誅耳衆情已協公意如何淵曰事已如此當復奈何正須從之耳帝以淵與王仁恭不能禦寇遣使者執詣江都淵大懼世民與寂等復說淵曰事已迫矣宜早定計且晉陽士馬精彊宮監蓄積巨萬代王幼沖關中豪傑並起公若鼓行而西撫而有之如探囊中之物耳柰何受單使之囚坐取夷滅乎淵然之密部勒將發會帝遣使馳驛赦淵及仁恭淵謀亦緩大理司直夏侯端謂淵曰今帝座不安參墟得歲必有真人起於其分非公而誰乎司馬許世緒司鎧武士護前勲衛唐憲憲弟儉皆勸淵舉兵時建

此胡氏之
二不必

成元吉尚在河東故淵遷延未發劉文靜謂裴寂曰先發制人後發制於人且公為官監而以宮人侍客公死可爾何誤唐公也寂甚懼屢趣淵起兵淵乃使文靜詐為敕書發太原西河鴈門馬邑民年二十已上為兵擊高麗由是人情恟恟思亂者衆及劉武周據汾陽宮世民言於淵曰大人為留守而盜賊竊據離宮不早建大計禍今至矣淵乃集將佐謂之曰武周據汾陽宮吾輩罪當族滅若之何王威等皆懼請計淵曰朝廷用兵皆稟節度今賊在數百里內江都在三千里外加以道路險要復有他賊據之以嬰城膠柱之兵當巨猾豕突之勢必不全矣進退維谷何為而可威等皆曰公地兼親賢同國休戚要在

通鑑綱目

卷三十七

隋煬皇帝大業十二年

三

正編

平賊專之可也。淵陽若不得已而從之者，曰：然則先當集兵，乃命世民與劉文靜、長孫順德、劉弘基等各募兵，遠近赴集，旬日間近萬人，仍密遣使召建成元吉於河東，柴紹於長安，王威、高君雅見兵大集，疑淵有異志，謂武士護曰：「順德、弘基皆背征三侍，安得將兵？」欲收按之，士護曰：「二人皆唐公客，若爾必大致紛紜，威等乃止。」威、君雅欲因晉祠祈雨，討淵。五月，淵使世民伏兵於晉陽宮城之外，且與威、君雅共坐視事，使劉文靜引開陽府司馬劉政會入告威、君雅，潛引突厥人寇。君雅攘袂大詬，世民已布兵塞路，文靜因與弘基、順德等共執威、君雅繫獄，會突厥數萬眾寇晉陽，淵命裴寂等勒兵為備，而悉開諸城門，突

厥不敢進，眾以為威、君雅實召之也。

集覽

適太

子千牛備身臨汾柴紹適下嫁也。爾雅曰：如適之嫁，注方言自家而出謂之適，猶女出為嫁也。千牛備身，東宮官名，掌執御刀以宿衛，蓋取庖丁為文惠君解數十牛而刃若發刃，此刀可以備身，因以名官。煬帝改左右備身為左右驍衛，其所領名豹騎，柴紹字嗣昌，晉州臨汾縣人。二郎李淵次子，名世民，帝座紫微大帝之座也。注見漢桓帝延熹二年參墟得歲，天官書參晨出曰長列，昭昭有光，利行兵，正義曰：星經云參魏之分野益州也。晉天文志參十星，一名參伐，主斬刈事，參虛得歲謂歲星在參分也。又越得歲，注見晉帝奕太

和五年士護護鬱縛反以官人侍客寂嘗以晉陽宮人私侍李淵進退維谷詩桑柔篇文

注云谷窮也箋云前無明君正誤背征三侍卻迫罪役是以進退皆窮也今按背征

謂出征而背叛逃亡者三侍謂三侍中之人也隋制左右翊衛府有親勳武三衛大業初

改為三侍親侍質實神武縣名注見宋明帝勳侍武侍也泰始五年平齊一統志

云臨汾漢之縣名屬河東郡三國魏置平陽郡縣屬焉後魏兼置晉州於此隋改曰臨汾

縣為平河郡治所後改郡曰臨汾唐分置西河縣尋省入臨汾屬晉州宋金元仍舊本

朝因之為平陽府治所仍屬焉晉陽縣名注見周威烈王二十三年太原郡名注見齊明

帝建武三年并州晉陽宮注見梁武帝大同十一年裴寂蒲州桑泉人劉文靜京兆萬年

人高光謂漢高帝光武博奕棊也注見晉明帝太寧三年蒲博圖讖注見漢平帝元始三

年夏侯端壽州人許世緒并州人武士護并州文水人唐憲并州晉陽人河東郡名注見

漢獻帝建安七年西河郡名注見周威烈王二十三年鴈門郡名注見秦王政三年離宮

注見大業元年膠柱注見梁武帝太清元年劉政會滑州胙人長孫順德洛陽人

發明

唐公以義起兵大非羣盜之比而綱目一槩書之何耶公儻能正名仗義若湯之伐桀若武之伐紂若沛公之誅無道秦則綱目亦必有以處此矣惜乎兵以

義名乃止於尊隋而不能為討罪之舉君子雖欲異之不可得已況又淫汙宮掖設詐罔衆殺人以利已者乎

東都遣兵擊李密大破之密退屯洛口

帝命將軍龐玉郎將霍世舉將關內兵援東都柴孝和說李密曰秦地山川之固秦漢所憑以成王業者也今不若使翟司徒守洛口裴柱國守回洛明公自簡精銳西襲長安然後東向以平河洛傳檄而天下定矣不早為之必有先我者悔之無及密曰此誠上策但昏主尚存從兵猶衆我兵皆山東人誰肯從我西入諸將出於羣盜留之各競雌雄如此

此即密說
楊玄感之
次策

則大業隳矣孝和曰然則僕請間行觀釁密許之孝和與數十騎至陝縣山賊歸之者萬餘人會密為流矢所中卧營中越王侗使段達與龐玉等夜出兵與戰大破之密乃棄回洛奔洛口孝和衆散輕騎歸密

質實

一統志云洛口

地名在河南府城東一百三十里鞏縣西隋煬帝聚米置倉於此號曰洛口倉河洛二水名河注見梁武帝天監十五年洛注見漢高后三年陝縣注見周顯王四十五年

六月李淵遣使如突厥

李建成李元吉棄其弟智雲於河東而去吏執送長安殺之六月建成元吉與柴紹偕至

此胡氏之
三不必

遠求助于突厥此唐之大失着

晉陽劉文靜勸李淵與突厥相結資其士馬以益兵勢淵從之自為手啟卑辭厚禮遺始畢可汗云欲舉義兵迎主上復與突厥和親若能與我俱南願勿侵暴百姓若但和親坐受寶貨亦唯可汗所擇始畢得啟謂其大臣曰隋主為人我所知也若迎以來必害唐公而擊我無疑矣苟唐公自為天子我當以兵馬助之即命以此意為復書使者七日而反將佐皆喜請從突厥之言淵不可曰諸君宜更思其次寂等乃請尊天子為太上皇立代王為帝以安隋室移檄郡縣改易旗幟雜用絳白以示突厥淵曰此可謂掩耳盜鈴然逼於時事不得不爾乃許

質實

晉陽縣名注見周威烈王二十

三年

李淵遣世子建成及世民擊西河郡拔之斬郡丞高德儒。

國勢

兵律

以此示征伐之本意使民之嚮方也

西河郡不從淵命淵使建成世民將兵擊之時軍士新集咸未閱習建成世民與之同其苦遇敵則以身先之近道菜果非買不食軍士有竊之者輒求其主償之亦不詰竊者兵民皆悅至西河城下郡丞高德儒閉城拒守攻拔之執德儒至軍門世民數之曰汝指野鳥為鸞以欺人主取高官吾興義兵正為誅佞人耳遂斬之自餘不戮一人秋毫無犯各

通鑑綱目

卷三十一

隋煬皇帝大業十三年

正編

正編

通鑑綱目 卷三十一
慰撫使復業。遠近聞之大悅。建成等引兵還
晉陽。往返凡九日。淵喜曰。以此行兵。雖橫行
天下可也。遂定入關之計。

國勢

李淵自稱大將軍開府置官屬

淵開倉以賑貧民。應募者日益多。淵命為三
軍。分左右。通謂之義士。裴寂等上。淵號為大
將軍。淵以寂為長史。劉文靜為司馬。唐儉。溫
大雅為記室。大雅仍與弟大有共掌機密。武
士護為鎧曹。劉政會及崔善為。張道源為戶
曹。姜暮為司功參軍。殷開山為府掾。長孫順
德。劉弘基。竇琮及王長諧。姜寶誼。陽屯為左
右統軍。自餘文武隨才授任。以世子建成為

隴西公。左領軍。大都督。左三統軍。隸焉。世民
為敦煌公。右領軍。大都督。右三統軍。隸焉。各
置官屬。以柴紹為右
領軍府長史。諮議
集覽 陽屯 姓
名也
質實 唐儉
晉陽
人。溫大雅。太原祁人。殷開山。京兆鄠人。崔善
為。并州人。張道源。汲人。敦煌郡。名注。見漢武
帝元朔三年。隴西郡
名注。見秦王政三年。

李密復取回洛倉

李密復帥眾向東都。大戰于平樂園。密左騎
右步。中列彊弩。鳴千鼓。以衝之。東都兵大敗。
密復取
回洛倉。**質實** 平樂園。未詳處。所東都注。
見秦莊襄王元年三川。

突厥遣使至太原李淵遣劉文靜報之

突厥遣其柱國康鞘利等送馬千匹詣李淵為互市許發兵送淵入關淵拜受書擇其馬之善者止市其半義士請以私錢市其餘淵曰虜饒馬而貪利其來將不已恐汝不能市也吾所以少取者示貧且不以為急故爾當為汝貰之不足為汝費也淵命劉文靜使於突厥以請兵私謂文靜曰胡騎入中國生民之大蠹也吾所以欲得之者恐劉武周引之共為變患又胡馬行牧不費芻粟聊欲藉之以為聲勢耳數百人之外無所用之

覽 鞘利名也鞘音肖或音稍

集

此語確然大有關係

秋七月李淵引兵至霍邑代王侑遣郎將宋老生將軍屈突通將兵拒之

李淵以子元吉為太原太守留守晉陽宮帥甲士三萬發晉陽誓眾移檄諭以尊立代王之意西突厥阿史那大奈亦帥其眾以從淵至西河慰勞吏民賑贍貧乏民年七十以上皆除散官其餘豪傑隨才授任一日除千餘人至賈胡堡去霍邑五十餘里代王侑遣郎將宋老生帥精兵二萬屯霍邑大將軍屈突通將驍果數萬屯河東以拒淵會積雨淵不得進劉文靜至突厥見始畢可汗請兵且與之約曰若入長安民眾土地入唐公金玉繒帛

此胡氏之四不必

賑民用賢

金玉繒帛皆民力所致國家之

命脉也當
舉義之始
以許之突
厥誤矣

此着最為
得手

此胡氏之
五不必

帛歸突厥始畢大喜淵以書招李密密自恃
兵彊欲為盟主復書曰所望左提右挈戮力
同心執子嬰於咸陽殪商辛於牧野淵得書
笑曰密妄自矜大非折簡可致吾方有事關
中若遽絕之乃是更生一敵不如卑辭推獎
以驕其志使為我塞成臯之道綴東都之兵
我得專意西征俟關中平定據險養威徐觀
蚌鷸之勢以收漁人之功未為晚也乃復書
曰天生烝民必有司牧當今為牧非子而誰
老夫年逾知命願不及此欣戴大弟攀鱗附
翼唯弟早膺圖籙以寧兆民宗盟之長屬籍
兄容復封於唐斯榮足矣密得書甚喜以示
將佐曰唐公見推天下不足定矣自是信使
往來不絕雨久不止淵軍中糧乏劉文静未

太宗不欲
北還識見
獨絕

幾失此大
機括

返或傳突厥與劉武周乘虛襲晉陽淵欲北
還裴寂等亦以為隋兵尚彊未易猝下李密
姦謀難測武周惟利是視不如還救根本更
圖後舉李世民曰今禾菽被野何憂乏糧老
生輕躁一戰可擒李密顧戀倉粟未遑遠畧
武周與突厥外雖相附內實相猜武周雖遠
利太原豈可近忘馬邑本興大義奮不顧身
以救蒼生當先入咸陽號令天下今遇小敵
遽已班師恐從義之徒一朝解體還守太原
一城之地為賊耳何以自全建成亦以為然
淵不聽促令引發世民將復入諫會淵已寢
不得入號哭於外聲聞帳中淵召問之世民
曰今兵以義動進戰則克退還則散眾散於
前敵乘於後死亡無日何得不悲淵乃悟曰

通鑑綱目 卷三十一
軍已發，柰何？世民曰：右軍嚴而未發，左軍去亦未遠，請自追之。淵笑曰：吾之成敗皆在爾。惟爾所為，世民乃與建成分道夜追左軍。復還，既而太原運糧亦至。胡氏曰：武王伐商，數紂之罪則多矣，湯皆有之，而弑父殺兄，則紂之所未有，其當討無疑矣。李淵聲其大逆，不道之罪，而舉兵討之，則雖德非成湯，亦無愧於自毫之載。世民不必用宮人私侍以劫父也，不必詐為敕書發民以鼓怨也，不必稱臣突厥也，不必尊江都而立代王也，不必推獎李密以驕其志也，堅守晉陽，收召豪傑，厚集其衆，分擊二京，義聲既震，群盜自下，乃遣良將總銳師，南指揚土，則不逾旬時，罪人斯得，天下歸唐，其孰能禦之，惜乎世民有安天下


之志，才足以撥亂而無湯武反身之學，劉文靜智謀之士耳。裴寂又出其下，故雖乘時舉事，不旋踵成功，而用集覽阿史那大柰，阿史智術，違義理者多矣。那，突厥三字姓，大柰，名也。柰音乃箇，反字不從木。霍邑，漢隰縣也。後漢改朮安縣，隋改霍邑。本春秋霍伯國。今霍州有霍邑，屬平陽。執子嬰於咸陽。秦二世兄子公子嬰也，立為秦王。後沛公入咸陽，子嬰降軹道旁，乃以屬吏。瘞商辛於牧野。瘞於討反，殺死也。商帝辛，天下謂之紂。周武王伐之，紂距之牧野，武王斬之。徐觀，蚌鷸之勢，以收漁人之功。蚌，部項反。蛤也。鷸，允律反。知天將雨，鳥也。戰國策：趙伐燕，蘇代為燕謂趙惠文王曰：今者臣來過易水，蚌方出曝，而鷸

啄其肉蚌合而拊其啄鷸謂蚌曰今日不雨明日不雨即有蚌脯蚌亦謂鷸曰今日不雨明日不出必有死鷸蚌鷸不肯相舍漁人得而并擒之今趙且伐燕燕趙久相支以敵大衆臣恐彊秦之爲漁父也自毫之載載始也成湯始修德于毫也載本作哉書伊訓曰造攻自鳴條質實一統志云霍邑即禹貢岳陽朕哉自毫地漢爲彘縣屬河東郡東漢改爲永安縣魏晉屬平陽郡後魏初省後復置兼置永安郡隋初罷郡置汾州又改呂州并改縣曰霍邑以霍山爲名大業初州罷以縣屬臨汾郡義寧初置霍山郡唐罷郡置呂州貞觀中州罷以縣屬晉州宋屬平陽府金隆爲霍州元仍舊本朝初以霍邑縣省入

改屬平陽府折簡注見梁元帝承聖元年關中注見唐玄宗開元十一年京兆成臯縣名注見秦莊襄王元年攀鱗附翼耿純之言事在漢光武建武元年咸陽縣名注見周顯王十九年

武威司馬李軌起兵河西自稱涼王

軌家富任俠薛舉起兵金城軌與同郡曹珍關謹梁碩李贇安修仁等謀曰薛舉必來侵暴郡官庸怯勢不能禦吾輩豈可束手并妻孥爲人所虜邪不若相與并力拒之保據河右以待天下之變衆皆以爲然欲推一人爲主各相讓莫肯當曹珍曰久聞圖讖李氏當



李軌稱涼

王今軌在謀中乃天命也遂相與拜軌奉以
為主軌乃令修仁集諸胡自結民間豪傑共
起兵稱河西大涼王置官屬關謹等欲盡殺
隋官分其家貲軌曰今興義兵以救生民乃
殺人取貨此群盜耳將何以濟乃止薛舉遣
其將常仲興濟河擊軌與軌將李贇戰於昌
松仲興舉兵敗沒軌欲縱遣之贇曰力戰獲
俘復縱以資敵將焉用之不如盡阬之軌曰
天若祚我當擒其主此屬終為我有若其無
成留此何益乃縱之未幾攻張掖敦煌西平
抱罕皆克之盡有

質實

武威郡名注見唐中宗景龍二年李軌涼

州人金城郡名注見唐太宗貞觀十八年河
西郡名注見漢安帝元初元年昌松地名未
詳處所西平郡名注
見漢宣帝元康四年

薛舉自稱秦帝徙據天水

薛舉稱帝立仁杲為太子遣仁杲將兵取天
水徙都之仁杲多力善騎射軍中號萬人敵
然性貪而好殺其克天水悉召富人倒懸之
以醋灌鼻責其金寶舉每戒之曰汝之才畧
足以辦事然苛虐無
恩終當覆我國家

質實

薛舉蘭州金城人
天水郡名注見漢

光武建
武元年

涿郡留守薛世雄擊李密竇建德襲破之遂圍

仁杲貪酷

河間

詔涿郡留守薛世雄將燕地精兵三萬討李密命王世充等諸將皆受節度所過盜賊隨便誅剪世雄行至河間軍於七里井實建德士眾惶懼悉拔諸城南遁聲言還入豆子蘄世雄以為畏已不復設備建德謀還襲之其處去世雄營百四十里建德帥敢死士二百八十人先行令餘眾續發約曰夜至則擊其營已明則降之未至二里所天欲明建德惶惑議降會天大霧咫尺不辨建德喜曰天贊我也遂突入其營擊之士卒大亂世雄遁歸涿郡慙恚發病卒

質實

涿郡注見漢帝玄更始二年河間郡名注

同上年七里并未詳處所

八月李淵與宋老生戰斬之遂取霍邑

八月雨霽李淵趣霍邑淵恐宋老生不出建成世民曰老生勇而無謀以輕騎挑之理無不出脫其固守則誣以貳於我彼恐為左右所奏安敢不出淵然之乃與數百騎先至霍邑城東數里以待步兵使建成世民將數十騎至城下舉鞭指麾若將圍城之狀且誦之老生怒引兵三萬分道而出淵使殷開山趣召後軍後軍至淵欲使軍士先食而戰世民曰時不可失淵乃與建成陳於城東世民陳於城南淵建成戰小却世民與軍頭段志玄

看破得失
大機關

自南原引兵馳下，衝老生陳出其背，老生兵敗投塹。劉弘基就斬之，僵屍數里，日已暮。淵即命登城，時無攻具，將士肉薄而登，遂克之。及行賞，軍吏疑奴應募者，不得與良人同。淵曰：「矢石之間，不辨貴賤。論勲之際，何有等差？」宜並從本勲授。引見霍邑吏民，勞賞如西河。選其壯丁使從軍，關中軍士欲歸者，並授五品散官，遣歸。或諫以官大濫，淵曰：「隋氏吝惜勲賞，此所以失人心也。柰何效之？」且收衆以官，不勝於用兵乎？」**集覽**：脫其脫，儻或之。辭肉薄，注見晉安帝義熙十三年。地名未詳處所。

質實

段志玄臨淄人，西河郡名。注見周威烈王

李淵克臨汾絳郡，劉文靜以突厥兵至，遂下韓城。

李淵入臨汾絳郡，通守陳叔達拒守，進攻克之。叔達，陳高宗之子，有才學，淵禮而用之。至龍門，劉文靜、康鞘利以突厥兵五百人馬二千匹來至，淵喜其來，緩謂文靜曰：「吾西行及河，突厥始至，兵少馬多，皆君將命之功也。」汾陽薛大鼎說淵：「請勿攻河東，自龍門直濟河，據永豐倉，傳檄遠近，關中可坐取也。」淵將從之，諸將請先攻河東，河東縣戶曹任瓌說淵曰：「關中豪傑皆企踵以待義兵，瓌在馮翊積年，知其豪傑，請往諭之，必從風而靡。」義師自

通鑑綱目 卷三十一 隋煬皇帝大業十三年 正編

梁山濟河指韓城逼郃陽蕭造文吏必望塵請服孫華之徒皆當遠迎然後鼓行而進直據永豐雖未得長安關中固已定矣淵悅時關內羣盜孫華最彊淵至汾陰以書招之華來見淵淵慰獎之以任瓌為招慰大使瓌說韓城下之淵謂王長諧等曰屈突通精兵不少相去五十餘里不敢來戰足明其眾不為之用然通畏罪不敢不出若自濟河擊卿等則我進攻河東必不能守若全軍守城則卿等絕其河梁前扼其喉後拊其背彼不走必為擒矣

集覽 臨汾縣屬晉州按晉州今平陽是括地志云臨汾故城在絳州正平縣東北絳郡注見漢獻帝建安七年汾陽縣屬太原在汾水之北今汾州是古西河也梁

山注見晉惠帝元康七年韓城縣屬同州按同州漢馮翊也郃陽郃曷閣反水名應劭曰郃陽縣漢屬馮翊古莘國也其女太姒為周文王后詩所謂在郃之陽是也括地志云郃陽故城在同州河西縣南三十里蕭造馮翊郡太守姓名

質實 陳宣宗宣宗龍門縣名注見文帝仁壽三年汾陽縣名注見秦王政十五年任瓌合肥人馮翊郡名注見唐玄宗開元十一年韓城縣名注見漢光武建武十年一統志云郃陽古莘國地名漢始置郃陽縣屬左馮翊以在郃水之陽故名後周屬澄城郡隋屬馮翊郡唐初屬西韓州貞觀中州罷屬同州五代梁屬河中府唐復舊宋復屬同州以夏陽縣省入金屬禎州

後復屬同州元初屬禎州後仍舊本朝因之改屬西安府汾陰縣名注見周顯王四十年

書法

漢高之篇書北貉燕人致梟騎助漢不書借兵前書遣使如突厥繼書以劉文靜報之此書劉文靜以突厥兵至雖不直書借兵而借兵之意見矣綱目於唐事婉而不隱終綱目書蠻夷借兵入其例有五致助入援順辭也徵兵發兵尊辭也遣使以某兵至敵辭也乞師卑辭也求救急辭也詳漢高

帝四年

九月以江都婦女配將士

驍果在江都者多逃亡帝患之以問裴矩對曰人情非有匹偶難以久處請聽軍士於此納室帝從之悉召江都境內寡婦處女集宮下恣將士所取

集覽

處女孟

家墻而樓其處子注處子處女也莊子逍遙遊篇綽約若處子注處子未嫁之女也謂隱處深室不為物所害

質實

江都縣名注見漢獻帝興平元年驍果應劭曰武猛曰驍

殺敵曰果

武陽郡降李密

魏徵初見

賢

武陽郡丞元寶藏以郡降李密，密以為上柱國。寶藏使其客鉅鹿魏徵為啟謝密，且請改武陽為魏州。又請帥所部西取魏郡，南會諸將取黎陽倉。密喜，即以寶藏為魏州總管，召徵掌記室。徵少孤貧，好讀書，有大志。落拓不事生業。始為道士，寶藏召典書記，密愛其文辭，故召之。初，貴鄉長魏德深為政清靜，不嚴而治，遼東之役，徵稅百端，民不堪命，唯貴鄉間里不擾，有無相通，不竭其力。所求皆給。元寶藏受詔捕賊，數調罷械，動以軍法從事。其鄰城營造，皆聚於聽事，官吏督責，猶不能濟。德深聽隨，便修營，惟戒吏以不須過勝。餘縣使百姓勞苦，然民各竭心，常為諸縣之最。縣民愛之如父母。寶藏害其能，遣將千兵赴東

都，所領兵聞寶藏降密，思其親戚，輒出都門，東向慟哭而返。或勸之降密，皆泣曰：「我與魏

明府同來。」**集覽**：落拓，本傳作落魄。按，魄亦音

何忍棄去。**鄉縣名**：武陽郡，注見漢成帝綏和二年

屬武陽。鉅鹿郡，注見漢靈帝中平元

年。魏徵，下曲陽人。魏州，注見漢成帝綏和二

年。魏郡，注見漢元帝建昭二年。黎陽倉，注見

陳後主至德元年。貴鄉縣，注見新莽始建

國三年。元城，魏德深鉅鹿人。遼東郡，注見

秦王政三年。東都，注見

李密遣徐世勣取黎陽倉

通鑑綱目

卷三十一

隋煬皇帝大業十三年

七

正編

魏徵徐洪
客皆隱于
黃冠中

壯哉

河南山東大水，餓莩滿野，詔開黎陽倉賑之。吏不時給死者，日數萬人。徐世勣言於李密曰：「天下大亂，本為饑饉，今更得黎陽倉，大事濟矣。」密遣世勣帥麾下五千人濟河，會元寶藏、郝孝德，共襲破黎陽倉，據之。開倉恣民就食，浹旬間，得勝兵三十餘萬。竇建德、朱粲之徒亦遣使附密。泰山道士徐洪客獻書於密，以為大衆久聚，恐米盡人散，師老厭戰，難可成功。勸密乘進取之機，因士馬之銳，沿流東指，直向江都，執取獨夫，號令天下。密壯其言，以書招之。洪客竟不出。莫知所之。胡氏曰：洪客之謀竒而正，非惟李密不及，唐初諸人皆不及也。天下未嘗無才，或隱於屠販，或寄於盜賊。洪客、魏徵皆優游黃冠中，而抱匡時之

畧，懷濟世之具，顧人不能知耳。然李密不足與言，豈洪客未知晉陽興師，或無路以自達，而於密發之邪？以此一言觀之，其胷中之奇固多矣。而迄不自見，豈其不及唐室之興而死歟？抑如黃石公、魯仲連之流歟？嗚呼！其可謂高士矣。

集覽 黃冠野夫，黃冠艸服也。黃石公，漢張良遊下邳圯上，遇一老人授一編書曰：「後十三年孺子見我。」濟北穀城山下黃石，即我矣。孔文祥云：黃石公鬚眉皆白，杖丹黎履赤舄。葛稚川云：即老子也。老子無世不出，數易姓名，出於黃帝時，號廣成子。周文王時，號支邑先生。武王時，號郭叔子。漢初號黃石公。漢文時，號河上公。魯仲連戰國齊人，遊於趙。趙欲封之，不受而去。後齊攻燕，聊

城不下，魯連乃為書約之，矢以射城中，遂取聊城。齊欲爵之，乃逃隱海上。**質實** 麾

注見漢獻帝建安十四年泰山注見秦始皇二十八年河南注見宋主昱元徽元年山東

注見宋文帝元嘉二十五年獨夫注見宋主子業景和元年

馮翊太守蕭造降於李淵淵留兵圍河東自引

軍西

時河東未下，三輔豪傑至者日以千數，淵欲引兵西趣長安，猶豫未決，裴寂曰：「屈突通擁大眾，憑堅城，吾捨之而去，若進攻長安不克，還為河東所踵，腹背受敵，此危道也。不若先

英敏

善用人言

國勢

克河東，然後西上。李世民曰：「不然，兵貴神速，吾席累勝之威，撫歸附之眾，鼓行而西，長安之人望風震駭，智不及謀，勇不及斷，取之若振槁葉耳。若淹留自弊於堅城之下，彼得成謀，修備以待，我坐費日月，眾心離沮，則大事去矣。且關中蜂起之將，未有所屬，不可不早招懷也。屈突通自守虜耳，不足為慮，淵兩從之，留諸將圍河東，自引軍而西，朝邑法曹靳孝謨以蒲津中渾二城降，華陰令李孝常以永豐倉降，京兆諸縣亦多遣使請降。」**集**

覽 朝邑今同州有朝邑按同州漢馮翊也蒲津臨晉關是注見秦始皇二十六年中渾

注見陳宣帝**質實** 三輔注見唐玄宗開元十一年京兆蜂起注見秦二

世二年一統志云朝邑古地名春秋時為蒲關戰國魏築城於此漢為臨晉縣地晉為馮翊郡治此後魏分置南五泉縣西魏改為朝邑縣以據朝坂故名隋因之唐改為河西縣屬河中府大曆初復曰朝邑屬同州五代宋金元仍舊本朝因之改屬西安府華陰縣名注見周顯王三十七年陰晉京兆郡名注見唐玄宗開元十一年

王世克救東都合擊李密於洛口

王世克等帥所領會東都越王侗使劉長恭龐玉等帥兵與世克等合擊李密於洛口詔諸軍皆受世克節度江都郡丞馮慈明向東都為密所獲密素聞其名延坐勞問禮意甚

士氣

士氣

厚因謂曰隋祚已盡公能與孤共立大功乎慈明日公家歷事先朝榮祿兼備不能善守門閭乃與玄感舉兵偶脫罔羅得有今日唯圖反噬未論高旨莽卓敦玄非不彊盛一朝夷滅罪及祖宗僕死而後已不敢聞命密怒囚之慈明說防人席務本使亡走奉表江都及置書東都論賊形勢至雍丘為密將李公逸所獲密又義而釋之出至營門翟讓殺之密之克洛口也箕山府郎將張季珣固守不下罵密極口密怒攻之不能克時密眾數十萬季珣所領不過數百人而執志彌固誓以必死久之糧盡水竭士卒羸病季珣撫循之一無離叛自三月至于是月城遂陷季珣見密不肯拜曰天子瓜牙何容拜賊密殺之

集覽

門闕注見梁孝元帝承聖元年莽卓敦

玄西漢王莽東漢董卓東晉王敦桓玄

皆篡逆之臣防質實雍丘縣名注見漢桓帝

李淵濟河遣建成守潼關世民徇渭北

魯邑名屬兗州延熹四年馮慈明信都

人張季珣京兆人箕山府未詳沿革箕山注見新莽始建國三年

于志寧顏師古長孫無忌歸唐

李淵帥諸軍濟河關中士民歸之者如市淵遣世子建成劉文靜帥王長諧等諸軍屯末豐倉守潼關以備東方兵慰撫使竇軌等受其節度世民帥劉弘基等諸軍徇渭北慰撫使殷開山等受其節度冠氏長于志寧安養尉顏師古及世民婦兄長孫無忌謁見淵於

長春宮志寧師古皆以文學知名無忌乃有才畧淵皆禮而用之屈突通署郎將堯君素領河東通守使守蒲坂自引兵數萬趣長安為劉文靜所遏淵遣其將呂紹宗等攻河東不能克

集覽

冠氏長冠氏屬魏郡今大名府冠氏縣冠去聲長令長也漢法縣萬

戶以上置令以下為長安養尉安質實寶軌岐州

養縣名屬襄州縣尉主檢覆巡捕岐山人威兄子潼關注見漢獻帝建安十六年渭北注見漢高帝五年渭水一統志云冠

氏古邑名春秋屬晉漢為魏郡館陶縣地魏晉皆屬陽平郡隋析置冠氏縣屬魏州大業

初屬武陽郡唐初屬毛州後屬魏州五代宋金並屬大名府元初屬東平路後陞為冠州

本朝初降為縣，改屬東昌府。于志寧，高陵人，謹之曾孫。安養縣名，未詳沿革。顏師古，琅邪臨沂人。淵，三十七世孫。長孫無忌，洛陽人。晟之子。一統志云：長春宮在西安府朝邑縣治西北。後周建，隋文帝增廣之。蒲坂縣名，注見周赧王十二年。堯君素，魏郡人。長安縣名，注見漢惠帝五年。通守官名，注見大業十二年。河東郡名，注見漢獻帝建安七年。

柴紹妻李氏及李神通段綸各起兵以應李淵關中群盜悉降於淵

柴紹之赴太原也，謂其妻李氏曰：尊公舉兵，今偕行則不可，留此則及禍，奈何？李氏曰：君

英雄

子奇女亦奇
子子女皆英雄
英雄大奇

第速行，我一婦人，易以潛匿。當自為計，紹遂行李。李氏歸鄠縣別墅，散家貲，聚徒眾。淵從弟神通亦在長安，亡入鄠縣山中，與長安大俠史萬寶等起兵，以應淵。西域商胡何潘仁入司竹園為盜，有眾數萬，劫李綱為長史。李氏使其奴馬三寶說潘仁，與之就神通，合勢攻鄠縣。下之，神通眾踰一萬，以令狐德棻為記室。李氏又使馬三寶說羣盜李仲文、向善志、丘師利等，皆帥眾從之。徇盩厔，武功始平，皆下之。眾至七萬。左親衛段綸娶淵女，亦聚徒於藍田，得萬餘人，各遣使迎淵。淵使柴紹將數百騎，並南山迎李氏。關中羣盜皆請降。淵以書慰勞，使別墅墅上與反。田廬也。晉受世民節度。謝安圍碁賭別墅，大俠注

集覽

見漢武帝元朔二年任俠司竹園在鳳翔府
盤屋縣令狐德蔡令狐複姓德蔡名也令音
零蔡符分反盤屋縣名屬京兆今鳳翔府盤
屋縣山曲曰盤水曲曰屋因名焉盤張流及
屋陟栗反並南山並蒲浪反近**正誤**並南山
也南山注見宋文帝元嘉六年循傍去
聲也**質實**鄠縣注見漢桓帝延熹七年西
二年一統志云司竹園在西安府盤屋縣東
周迴百里漢為鄠杜竹林故有司竹都尉隋
唐皆置司竹監以掌之令狐德蔡華原人盤
屋縣名注見漢哀帝建平三年武功縣名注
見漢後主建興十二年太原郡名注見齊明
帝建武三年并州始平縣名注見楚義帝元

年廢丘藍田縣名
注見周赧王三年

書法先李氏何壯其志也廣世盜不書盜
此其書羣盜何書降淵則不嫌於書

盜矣終綱目書婦人
用兵二洗氏李氏

冬十月李淵合諸軍圍長安

京兆內史衛文昇年老聞淵軍至憂懼成疾
獨將軍陰世師郡丞骨儀奉代王侑乘城拒
守淵如永豐倉勞軍賑饑民進屯馮翊世民
所至吏民及羣盜歸之如流世民收其豪俊
以備僚屬營于涇陽勝兵九萬李氏將精兵
萬餘會世民於渭北與柴紹各置幕府號娘

帝王洵自
有真

房玄齡歸唐

處最得着

子軍隰城尉房玄齡謁世民於軍門世民一見如舊識署記室參軍引為謀主玄齡罄竭心力知無不為淵命劉弘基殷開山分兵西畧扶風有眾六萬南度渭水屯長安故城城中出戰弘基逆擊破之世民引兵趣司竹軍令嚴整秋毫不犯遣使白淵請期日赴長安淵命建成選倉上精兵趣長樂宮世民帥新附諸軍北屯長安故城延安上郡雕陰皆請降淵引軍西行所過離宮園苑皆罷之出宮女還其親屬十月至長安諸軍皆集合二十餘萬淵命各依壘壁毋得入村落侵暴遣使至城下諭衛文昇等不報命諸軍進圍城

質實

陰世師武威人壽之子馬翊郡名注見唐玄宗開元十一年同州涇陽縣名注

見周赧王四十九年幕府注見秦王政三年一統志云隰城晉之縣名本漢滋氏縣地唐改為西河縣本朝省入汾州又注見周赧王三十年中陽房玄齡臨淄人彥謙之子扶風郡名注見周顯王八年岐渭水注見漢高帝五年長安故城在西安府城西北二十里本秦離宮漢高帝自櫟陽徙都於此惠帝城長安周圍六十五里南為南斗形北為北斗形長樂宮注見漢高帝七年延安郡名注見梁武帝普通六年上郡注見秦王政三年雕陰縣名注見周顯王三十五年

發明

興王氣象自與庸人不同李淵起兵至是纔半載方其拔西河斬佞臣慰

撫居民秋毫不犯義聲已昭布於遠近矣
既而取霍邑克汾絳降馮翊守潼關徇渭
北兵威所至摧枯拉朽今遂大合諸軍為
攻圍之計未幾遂克長安雄據京邑是豈
四方諸寇所能抗衡者哉惟合綱目先後
所書而觀之則太宗之所以肇造唐室者
可謂帝王自有真矣

是為後梁
蕭銑起兵巴陵自稱梁王

巴陵校尉董景珍雷世猛旅帥鄭文秀徐德
基張繡等謀據郡叛隋推景珍為主景珍曰
吾素寒賤不為眾所服羅川令蕭銑梁室之
後寬仁大度請奉之以從眾望乃遣使報銑

銑喜從之聲言討賊召募得數千人銑嚴之
孫也會潁川賊帥沈柳生寇羅川銑與戰不
利因謂其眾曰今天下皆叛隋政不行巴陵
豪傑起兵欲奉吾為主若從其請以號令江
南可以中興梁祚以此召柳生亦當從我矣
眾皆悅聽命乃自稱梁公改隋服色旗幟皆
如梁舊柳生即帥眾歸之銑以為車騎將軍
起兵五日遠近歸附者至數萬人遂向巴陵
景珍遣徐德基帥郡中豪傑數百人出迎柳
生與其黨謀曰我先奉梁公勲居第一今巴
陵諸將皆位高兵多我若入城返出其下不
如殺德基質其首領獨挾梁公進取郡城則
無出我右者矣遂殺德基入白銑銑大驚曰
今欲撥亂返正忽自相殺吾不能為若主矣



因步出軍門，柳生大懼，伏地請罪。銑責而赦之。陳兵入城，景珍言於銑曰：徐德基建義功臣，而柳生無故擅殺之，此而不誅，何以爲政？且柳生爲盜日久，今雖從義，凶悖不移，共處一城，勢必爲變，失今不取，後悔何及？銑又從之。景珍收柳生斬之，其徒皆潰。銑乃築壇燔燎，自稱**集覽**燔燎，燔音煩，燎力召反。燔燎所以祭天也，天高不可達，故燔柴以祭之。庶高烟上通也。爾雅祭天曰燔柴。馬融曰：祭時積柴，加牲其上而燔之。**質實**巴陵縣名，注見晉明帝咸和四年。羅川縣名，注見秦始皇三十七年。陽周、潁川郡名，注見漢光武建武八年。

王世充及李密戰於洛北敗績

王世充營於黑石，分兵守營，自將精兵陳於洛北。李密引兵度洛，逆戰大敗。密帥精騎度洛南，餘衆東走月城。世充追圍之。密策馬直趣黑石，營中懼，連舉六烽。世充釋月城之圍，狼狽自救。密還與戰，大破之，斬首三千餘級。**質實**黑石，疑是山名，志云洛南縣名。本春秋時晉上洛地，漢爲上洛縣地。晉析置，拒陽縣。尋省，後魏復置。隋初屬商州，尋改曰洛南縣，以在洛水之南，故名。唐宋金元俱仍舊。本朝初改爲華州，隸西安府。月城未詳處所。狼狽，注見漢獻帝初平三年。

十一月李淵克長安殺留守官陰世師等十餘

人考異

按恩澤例曰凡更革皆書注云除秦苛法之類據分注淵與民約法十二條悉

除隋苛禁竊考漢王元年書沛公入咸陽除秦苛法更始元年書大司馬秀至河北除莽苛政晉太康元年書遣使行荆揚除吳苛政則此句下漏除隋苛禁四字

李淵命諸軍攻城約毋得犯七廟及代王宗室違者夷三族十一月克長安代王左右奔散唯侍讀姚思廉侍側軍士將登殿思廉厲聲訶之曰唐公舉義兵匡帝室卿等毋得無禮眾皆愕然布立庭下淵迎王於東宮遷居大興殿後聽思廉扶王至閣下泣拜而去淵

安民

李靖初見

還舍於長樂宮與民約法十二條悉除隋苛禁淵之起兵也留守官發其墳墓毀其五廟至是衛文昇已卒執陰世師骨儀等十餘人斬之餘無所問馬邑郡丞三源李靖素與淵有隙淵將斬之靖大呼曰公興義兵欲平暴亂乃以私怨殺壯士乎世民為之固請乃捨之世民因召置幕府靖少負志氣有文武才畧其舅韓擒虎每撫之曰可與言將帥之畧者獨此

集覽

後聽句絕注見晉愍帝建興二年聽事三源李靖李靖京兆三

源縣人也為馬邑郡丞

正誤

後聽今按聽即廳字六朝以來乃始加

質實

七廟注見宋明帝泰始七年姚思廉京兆萬年人察本之子東宮注見宋文帝元嘉二十

七年三源縣名注見
晉孝武帝太元五年

書法 前書王威高君雅此書陰世師皆具
官書殺綱目於唐事書法不隱如此

王世克與李密戰于石子河敗績

王世克堅壁不出越王侗遣使勞之世克慙
懼請戰與密夾石子河而陳密布陳十餘里
翟讓先戰不利世克逐之王伯當裴仁基
從旁橫斷其後密勒中軍擊之世克大敗

李密誘翟讓殺之

翟讓司馬王儒信勸讓自為大冢宰總統眾
務以奪密權讓不從讓兄弘曰天子汝當自

密以殺讓
失人心

為奈何與人汝不為者我當為之讓但大笑
不以為意密聞而惡之讓謂房彥藻曰君前
破汝南大得寶貨獨與魏公全不與我魏公
我之所立事未可知彥藻懼與鄭頰共說密
曰讓貪懷不仁宜早圖之密乃置酒召讓弘
與裴仁基郝孝德共坐單雄信等皆立侍房
彥藻鄭頰往來檢校密曰今日不須多人密
左右皆引去讓左右猶在彥藻白密曰今方
為樂天時甚寒司徒左右請給酒食讓許之
乃引讓左右盡出獨密下壯士蔡建德持刀
立侍食未進密出良弓與讓習射讓方引滿
建德自後斫之并弘儒信皆殺之徐世勣走
出門者斫之傷頸王伯當遙訶止之單雄信
叩頭請命密釋之左右驚擾莫知所為密大

言曰與君等同起義兵本除暴亂司徒專行貪虐陵辱群僚今所誅止其一家諸君無預也命扶徐世勣置幕下親為傳創讓麾下欲散密使單雄信前往宣慰密尋獨騎入其營歷加撫諭令世勣雄信伯當分領其眾中外遂定讓殘忍儒信貪縱故死之日所部無哀之者然密之將佐集覽傳創傳讀曰附或讀始有自疑之心矣刀創字傳創以質實大冢宰官名注見陳宣藥敷所傷處也帝太建九年汝南郡名注見漢光武建武十九年麾下注見漢獻帝建安十四年

李淵立代王侑為皇帝尊帝為太上皇

侑時年十三

書法

書尊帝何見唐兵之不以討賊名也故化及之弒不書太上皇據李兗書

弒主不予唐之尊之也唐不正名自是綱目書自為大丞相書追謚皆無隱矣

淵自為大丞相封唐王以建成為唐王世子世

民為秦公元吉為齊公

以武德殿為丞相府改教稱令置丞相府官屬以裴寂為長史劉文靜為司馬何潘仁使李綱入見淵留之以為丞相府司錄專掌選事又以竇威為司錄參軍使定禮儀淵傾府

庫以賜勲人。國用不足，光祿大夫劉世龍獻策，以為今義師數萬，並在京師，樵蘇貴而布帛賤，請伐苑中及六街樹為樵，以易布帛，可得十數萬匹，淵從之。

樵柴也，蘇草也。江淮南楚之間曰蘇，自關而西曰草。

京師注見周顯王二十五年

發明 嗚呼，唐室之興，庶幾乎正矣，乃狃於見聞之故，而蹈昔人竊篡之故智，實

有欲得之心，而又立勿君以輔之，自為大丞相，加殊禮，然後取焉，曷不於起兵之初，傳檄天下，聲隋廣弑逆之罪，數其淫虐之惡，播告四方，與弔民間罪之師，豈不名正

而言順，理直而氣壯哉！則其得國也，雖不能如湯武之正，然亦庶幾矣。惜乎一時君臣不明大義，此其創業所以不及漢高也。歟！然其得國比之於他，則固優矣。綱目詳而書之，其義自見。

滎陽郡降李密

河南諸郡盡附李密，唯滎陽太守鄆王慶、梁郡太守楊汪尚為隋守。密以書招慶，為陳利害，且曰：王之先世家住山東，本姓郭氏，初非楊族。初慶祖父元孫，隨母郭氏養於舅族。及武元帝從周文帝起兵關中，元孫在鄴，恐為高氏所誅，冒姓郭氏。故密云然。慶即以郡降

密復姓

集覽

郇王郇地名也在河東解縣郇或作恂音相倫反

質實

榮陽郡名注見秦莊襄王元年梁郡注見漢後主延熙十八年宋鄴縣名注見漢獻帝建

安十五年

十二月唐王淵追謚其大父為景王考為元王

夫人竇氏為穆妃○薛舉侵扶風唐王淵遣秦

公世民擊敗之

薛舉遣其子仁果寇扶風李弼拒之舉遣使招弼弼乃請降仁果乘其無備襲破之悉并

其眾勢益張眾號三十萬謀取長安唐王淵使世民將兵擊之大破之追奔至隴坻而還

薛舉大懼問其羣臣曰自古天子有降事乎黃門侍郎褚亮曰趙佗歸漢劉禪仕晉轉禍

為福自古有之衛尉卿郝瑗趨進曰陛下失問褚亮之言又何悖也昔漢高祖屢經奔敗

蜀先主亟亡妻子卒成大業陛下柰何以一戰不利遽為亡國之計乎舉亦悔之曰聊以

此試君等耳乃厚賞瑗引為謀主

集覽

龍坻注見漢光武建武八年趙佗注見漢

高帝十一年劉禪三國漢後帝先降於魏魏禪于晉禪又仕晉亟亡亟去吏反頻數也

質實

扶風郡名注見周顯王八年岐長安縣名注見漢惠帝五年

河池太守蕭瑀以郡降唐

唐以瑀為禮部尚書封宋國公時榆林靈武平涼安定漢陽諸郡相繼皆降于唐

實 河池郡名注見梁武帝中大通六年南岐宋國注見漢後主延熙十八年榆林郡名

注見文帝開皇十九年靈武郡名注見唐玄宗天寶十五年平涼郡名注見宋文帝元嘉

七年安定郡名注見漢光武建武元年漢陽郡名注見漢獻帝建安二十二年下辨

書法 淵既帝侑則皆隋也書降唐何紀實也淵以名尊侑綱目以實錄故蕭瑀

書降唐屈突通書降唐遣招山南山東書唐遣遣招河東書唐遣

唐王淵遣李孝恭張道源招慰山南山東諸州

下之

孝恭淵之從父兄子也擊破朱粲諸將請盡殺其俘孝恭曰不可自是以往誰復肯降矣皆釋之於是降附者三十餘州

屈突通降唐唐遣通招河東通守堯君素不下

考異 按提要無通字

屈突通與劉文靜相持月餘復使桑顯和夜襲文靜營文靜悉力苦戰顯和敗走通勢益

感或說通降通泣曰吾歷事兩主恩顧甚厚
 食人之祿而違其難吾不為也每自摩其頸
 曰要當為國家受一刀勞勉將士未嘗不流
 涕人亦以此懷之及聞長安不守家屬皆為
 淵所虜乃留顯和鎮潼關引兵東出將趣洛
 陽顯和即以城降文静遣竇珍等與顯和追
 之及於稠桑通結陳自固竇琮遣通子壽往
 諭之通罵曰此賊何來昔與汝為父子今與
 汝為仇讐命左右射之顯和謂其眾曰今京
 城已陷汝輩皆關中人去欲何之眾皆釋仗
 而降通知不免下馬東南再拜號哭曰臣力
 屈至此非敢負國軍人執送長安淵以為兵
 部尚書賜爵蔣公兼秦公長史遣至河東城
 下招諭堯君素君素獻欵不自勝通亦泣下

却如何受爵

士氣

霑衿因謂君素曰事勢如此卿當早降君素
 曰公為國大臣主上委公以關中代王付公
 以社稷柰何負國生降更為人作說客邪且
 公所乘馬代王所賜也公何面目乘之哉通
 曰我力屈耳君素曰我力猶未屈何用多言
 通慙而退

集覽 稠桑地名在滎陽西

質實 一統志云稠桑地名在河南府靈
 寶縣西二十里古桃林也春秋時
 號公敗戎於桑田即此蔣州名注見漢獻帝
 興平二年金陵秦州名注見漢光武建武元
 年天水欽郤注同上年洛陽縣名注見周顯
 王三年社稷注見新莽天鳳元年堯君素魏
 郡人

王世充襲李密敗績

東都米斗三千人餓死者什二三王世充軍士有亡降李密者密問世充軍中何為軍士曰比見益募兵再饗將士不知其故密謂裴仁基曰吾幾落奴度中吾久不出兵世充芻糧將竭求戰不得故募兵饗士欲乘月晦以襲倉城耳宜速備之乃命郝孝德王伯當孟讓勒兵分屯城側以待之其夕世充兵果至伯當遇之不利總督魯儒拒却之伯當收兵擊之斬其驍將士卒戰溺死者千餘人世充屢戰不勝越王侗遣使勞之世充訴以兵少侗以兵七萬益之

唐劉文靜取弘農

質實

弘農縣名注見周顯王四十五年陝

書法

淵既相侑則猶隋臣也綱目於隋篇而揭書唐劉文靜名實見矣使唐不立侑於此何議焉此唐之所以為大綱不正者也

唐王淵遣使徇巴蜀下之

質實

巴蜀二郡名注見楚義帝

元蕭銑取豫章林士弘退保餘干

質實

豫章郡名

注見漢武帝元鼎五年一統志云餘干縣名本春秋時越之西境為越餘地漢置餘汗縣屬豫章郡吳屬鄱陽郡隋改曰餘干縣屬饒州唐宋因之元陞為餘干州本朝初改為縣屬饒州

府
戊隋恭帝侑義寧二年恭帝侗皇恭元年唐高

寅祖神堯皇帝李淵武德元年夏王竇建德

五鳳元涼王李軌安樂元楚王朱粲昌達元年

○是歲并楚士弘魏定楊梁師都秦梁銑凡十

二國隋煬帝廣恭帝侑秦魏亡考異按歲年例曰楚國之大者

小者朱注國名此年隋恭帝侑義寧恭帝侗皇

恭唐高祖神堯皇帝李淵武德及夏涼楚國名

總結是歲凡十二國皆當朱春正月唐王淵自

注刊本當白字前後倣此

加殊禮

劍履上殿贊拜不名王既克長安以書喻降

郡縣於是東自商洛南盡巴蜀郡縣長吏盜

賊氏羌爭遣子弟人見請質質一統志云商

降有司復書日以百數質洛山名在西

安府商縣東南九十二里亦

名楚山即秦時四皓隱處

發明唐公以兵取天下而亦襲近世篡奪

之跡何耶惟其始焉名義之不正故

其終焉之弊必至於此書自為大丞相自

加殊禮自為相國唐公雖欲曲為之說何

可得也惜哉

魏公密敗隋王世充于洛北

王世充既得東都兵，進擊李密於洛北，敗之。遂屯鞏北，命諸將各造浮橋度洛，橋成者先進。前後不一，密帥敢死士乘之，溺死數萬人。世充僅免，諸軍皆潰。世充復收合亡散得萬餘人，屯含嘉城。密乘勝進據金墉城，擁兵三十萬，陳於北邙。南逼上春門，越王侗使段達、韋津拒之。達望見密兵盛懼而反走，密縱兵乘之，軍潰。津死，城中乏食，於是偃師、柏谷、河陽、河內皆降於密。竇建德等並遣使奉表勸進。密曰：東都未平，未可議此。

質實

北洛

洛水之北。注見漢高后三年。鞏北。鞏縣之北。注見漢王邦四年。含嘉城。未詳處所。金墉城。注見魏元帝咸熙二年。偃師。縣名。注見唐肅宗至德二年。柏谷。塢名。注見漢武帝建元三年。元帝建武元年。北邙。山名。注見漢靈帝中平六年。東都。注見秦莊襄王元年。三川。

書法

書隋王世充何始夷隋於列國也。自是隋事皆書隋，而李密輩皆稱國。

唐遣世子建成、秦公世民救東都，以齊公元吉

為太原道行軍元帥。○三月，隋宇文化及弒其

君廣於江都，立秦王浩。

煬帝至江都，荒淫益甚，酒卮不離口，然見天下危亂，亦不自安。退朝則幅巾短衣，徧歷臺

閻汲汲顧景唯恐不足常仰視天文謂蕭后曰外間大有人圖儂然且共樂飲耳因引滿沈醉又引鏡自照曰好頭頸誰當斫之后驚問故帝笑曰貴賤苦樂更迭爲之亦復何傷見中原已亂無心北歸欲保江東門下錄事李侗客曰江東卑濕土地險狹內奉萬乘外給三軍民不堪命恐亦將散亂耳御史劾之於是公卿皆阿意言江東之民望幸已久陛下撫而臨之此大禹之事也乃命治丹陽宮將徙都之時江都糧盡從駕驍果多關中人思歸郎將司馬德戡元禮直閣裴虔通等共謀亡去因轉相招引日夜結約於廣坐明論叛計無復畏避宮人聞之言於帝帝怒斬之自是無敢言者郎將趙行樞以告將作少監

宇文智及智及大喜曰上雖無道威令尚行卿等亡去徒取死耳今夫實喪隋英雄並起同心叛者已數萬人因行大事此帝王之業也德戡等然之行樞因請以智及兄許公化及爲主化及聞之變色流汗旣而從之德戡等乃悉召驍果諭以所爲皆曰唯將軍命乃夜於東城集兵得數萬人舉火與城外相應帝望見火聞外喧囂問曰何事虔通對曰草坊失火外人共救之耳帝以爲然明日未明德戡使虔通將數百騎入宮屯衛將軍獨孤盛與左右十餘人拒戰而死千牛獨孤開遠帥殿內數百人叩閣請帝自出臨戰無應者軍士稍散先是帝選驍健官奴數百人置玄武門謂之給使以備非常至是化及等結帝

所信司宮魏氏使矯詔聽給使出外德戡遂引兵自玄武門入帝聞亂易服逃於西閣虔通等入永巷問陛下安在有美人出指之投尉令狐行達拔刀直進扶帝下閣勒兵守之至旦以甲騎迎化及化及戰栗不能言既至德戡等迎謁引入朝堂號爲丞相虔通逼帝出宮化及見之曰何用持此物出亟還與手於是引帝還至寢殿虔通等露刃侍立帝嘆曰我何罪至此賊黨馬文舉曰陛下違棄宗廟巡遊不息外勤征討內極奢淫使丁壯盡於矢刃女弱填於溝壑四民喪業盜賊蜂起專任佞諛飾非拒諫何謂無罪帝曰我實負百姓至於爾輩榮祿兼極何乃如是今日之事孰爲首邪德戡曰溥天同怨何止一人化

及又使封德彝數帝罪帝曰卿乃士人何爲亦爾德彝赧然而退帝愛子趙王杲年十三在側號慟不已虔通斬之血濺御服欲遂弑帝帝曰天子死自有法何得加以鋒刃取鳩酒來文舉等不許使令狐行達繼殺之初帝每巡幸常以蜀王秀自隨化及旣弑帝欲迎立之衆議不可乃殺之及齊王暕宗戚無少長皆死唯秦王浩素與智及往來且以計全之暕素失愛於帝恒相猜忌帝聞亂謂蕭后曰得非阿孩邪化及使人誅暕暕謂帝使收之曰詔使且緩兒兒不負國家父子至死不相明又殺虞世基裴蘊來護兒等世基弟世南抱世基號泣請以身代化及不許化及自稱大丞相總百揆以皇后令立秦王浩爲帝

士氣

張季珣兄弟死節

居別宮以兵守之令發詔畫赦而已以智及裴矩為僕射士及為內史初矩知將有亂雖廝役皆厚遇之又建策為驍果娶婦故免於難化及至又迎拜於馬首故化及亦以為僕射化及之入朝堂也百官畢賀蘇威亦往給事郎許善心獨不至化及殺之其母范氏年九十二撫柩不哭曰吾有子矣不食而卒唐王之入關也張季珣之弟仲琰為上洛令死之至是仲琰弟琮為千牛左右亦為化及所殺兄弟皆死國難時人愧之唐王聞變慟哭曰吾北面事人失道不能救敢忘哀乎追謚曰煬

集覽 汲汲顧景汲汲不休息貌又勤急貌顏師古曰汲汲欲速之義如井汲之為也禮記汲汲然如有迫而弗及也樞要

云日光曰景日影曰晷左傳趙孟視蔭謂顧視日景也汲汲顧景唯恐日景之云暮大禹之事夏帝禹立十年東巡狩至于會稽司官加以宮刑而為閹宦之長左傳楚以羊舌肸為司官亟還與手亟趣也執帝手而扶出故曰亟還猶言速放手也

正誤 司宮今按司宮魏氏乃婦人也亟還與手今按謂急引還與下手弑之也晉書周筵傳元帝遣筵殺周續筵叱郡傳教吳曾何不與手曾以刀環築續殺之

質實 汲汲注見唐德宗貞元二十一年幅巾事物紀原云古庶人服巾士則冠矣傳子曰漢末王公多委士服以幅巾為雅素則幅巾古賤者服也漢末始為士人之服袁紹戰敗幅巾渡河是也許縣名注

見漢光武建武八年千牛官名注見梁武帝
普通二年永巷宮獄名注見周赧王四十五
年戰栗恐懼貌蜂起注見秦二世二
年上洛縣名注見晉元帝太興元年

書法 秦嘗夷於列國矣趙高弑帝則書帝
賊也與二世又異矣弑逆之賊而化及君
之君而弑之書曰其君以為化及之所君

云耳

發明 或問武王數紂之罪煬皆有之至於
弑父殺兄乃紂之所無者後世以誅
獨夫紂為言至於煬之死也何為反書弑
乎曰煬之罪惡固天地之所不容人神之

所共怒者至化及等輩則無所負故其責
德戡之語以謂我實負百姓而於爾等榮
祿皆極何乃如是此徒皆無以應然則煬
固化及之君也直書曰弑所以正此曹之
罪耳向使是時起兵之眾有能聲其大逆
推明寢殿之事奉將天罰執而數之肆諸
市朝殘其身渚其宮以正殺無赦之罪則
廣必自伏其辜而綱目亦必以獨夫之誅
處之矣惟夫舉天下無有能正之者是以
書法如此不然時天下猶隋之天下何
以不書曰帝而必書曰其君廣耶變文起
義彼固化及之君也嗚呼綱目至是亦有
不得已之意焉
爾可勝歎哉

通鑑綱目 卷三十一
唐王淵自爲相國加九錫

隋以唐王爲相國總百揆加九錫王謂僚屬曰此諂諛者所爲耳孤秉大政而自加寵錫可乎必若循魏晉之迹彼皆繁文僞飾欺天罔人孤竊耻之或曰歷代所行亦何可廢王曰堯舜湯武各因其時取與異道皆推其至誠以應天順人未聞夏商之末必劾唐虞之禪也但改丞相爲相國府其九錫殊禮皆歸之有司范氏曰唐高祖可謂不自欺矣然以兵取而必曰受禪是未免襲衰世之迹也胡氏曰天道誠聖人亦誠人非生知安行必勉於思誠思而不息亦能學知而利行矣湯武之德不及堯舜而列於聖人者由此其選也

故其於桀紂也尚爲君則臣之天命殛之則伐之固不虛爲臣之之名而實爲伐之之事也唐王惟不正名楊廣爲弑父與君之賊而舉師是故節目繁多詭正並用興王之術駁而不懿也夫殊禮固不可自加也前日都督丞相唐王之命果出恭帝邪能言湯武之誠而不悟在已之多集覽唐王惟不正名楊廣爲弑父與君之賊而

舉師只作一句讀楊廣煬帝也謂唐王不正以煬帝弑父弑君之罪爲名而興兵乃集將佐曰劉武周據汾陽宮吾輩罪當族滅又稱臣突厥謂曰欲舉義兵迎主上又詐爲敕書發民爲兵擊高麗又世民以宮人私侍之事劫其父以此多端而舉師故下文曰節目繁

多詭正
並用
質實
百揆注見晉元帝元興元年
九錫注見漢平帝元始五年

宇文化及發江都

宇文化及擁眾十餘萬據有六宮自奉如煬帝以少主浩付尚書省令衛士守之遣吏取其畫敕百官不復朝參下令欲還長安奪人舟楫以行至顯福宮虎賁郎將麥孟才等與折衝郎將沈光謀曰吾儕受先帝厚恩今俛首事讐何面目視息世間哉吾必欲殺之死無所恨光泣曰是所望於將軍也乃與孟才糾合恩舊帥所將數千人將以晨襲化及語洩化及殺之其麾下皆闔死無一降者

集覽

視息瞻視喘息也注見晉武帝咸寧

王氣

五年
質實
沈光吳興人

隋吳興太守沈法興起兵據江表十餘郡

法興聞宇文化及弑逆舉兵討之得精卒六萬攻餘杭毘陵丹陽皆下之據十餘郡
質
吳興郡名注見宋明帝泰始二年沈法興武康人餘杭郡名注見唐憲宗元和二年
毘陵郡名注見煬帝大業十二年丹陽郡名注見漢獻帝興平二年金陵

夏四月唐世子建成等還長安

世子建成秦公世民引兵至東都城多欲為內應者世民曰吾新定關中根本未固雖

通鑑綱目 卷三十一 隋恭帝侑義寧二年 夏 正編

得東都不能守也。遂不受。將還。世民又曰：城中見吾還，必來追躡。乃設三伏以待之。段達果來追，遇伏而敗。世民遂置新安宜陽二郡，分兵守之而還。

質實

長安縣名，注見

漢惠帝五年，新安郡名，注見楚義帝元年，宜陽郡名，注見周安王十一年。

宇文化及至彭城，魏公密拒之。化及引兵入東

郡

宇文化及至彭城，奪人車牛，載宮人珍寶，而使軍士自負戈甲，道遠疲劇，軍士皆怨。司馬德戡謂趙行樞曰：君大謬，誤我。當今撥亂，必藉英賢。化及庸暗，羣小在側，事將必敗。若之

何？行樞曰：在我等耳。廢之何難？遂與計將謀殺化及。事泄，化及執德戡等讓之。德戡曰：本殺昏主，苦其淫虐，推立足下，而又甚之，逼於物情，不得已也。化及殺之，并其黨十餘人。李密據鞏洛以拒化及，化及不得西。引兵入東郡，通守王軌以城降之。**質實**彭城郡名。注見秦始皇二十八年。鞏洛鞏縣名，注見漢王邦三年。洛州名，注見秦莊襄王元年。三川東郡，注見漢光武建武八年。

梁王銑稱皇帝

梁王蕭銑即帝位，置百官，徙都江陵，修復園廟，引岑文本為中書侍郎，委以機密。又使張

繡狗嶺南郡縣多降始安郡丞李襲志散財募士以保郡城群盜攻之皆不能下聞煬帝遇弒帥吏民臨三日或以尉佗之事說之襲志怒曰吾世繼忠貞江都雖覆宗社尚存尉佗狂僭何足慕也欲斬說者眾乃不敢言堅守二年外無聲援至是城陷為銑所虜於是東自九江西抵三峽南盡交趾北距漢川銑皆有之勝兵四十餘萬

集覽尉佗漢光武建武五年

質實江陵縣名注見漢獻帝建安十三年

嶺南謂五嶺之南即南海郡注見秦始皇三十三年始安郡注同上年桂林李襲志狄道人九江郡名注見晉明帝太寧三年潯陽三峽注見宋明帝泰始二年江都縣名注見漢

五月唐王淵稱皇帝

獻帝興平元年交趾郡名注見唐宣宗太中二年漢川郡名注見周赧王四年漢中

隋恭帝禪位于唐唐王即皇帝位推五運為土德色尚黃

書法

漢唐皆以兵取天下者也漢高祖書即皇帝位此其書稱皇帝何唐之兵不以討賊名也故綱目書自為大丞相封唐王書自加殊禮書自為相國加九錫書稱皇帝與魏晉以下無異矣

唐罷郡置州以太守為刺史○隋越王侗稱皇

通鑑綱目 卷三十一 帝

東都留守官聞煬帝凶問奉越王侗即位段達王世充為納言元文都為內史令共掌朝政侗眉目如畫温厚仁愛風格儼然

質實

納言官名注見漢靈帝光和元年

書法

昭烈之立也書即皇帝位侗煬嫡孫也煬弑而後即位則書稱皇帝何煬

弑父則賊也其子孫豈得與昭烈比哉綱目立書稱皇帝弑書隋主列國之也

突厥遣使如唐

時突厥疆盛東自契丹室韋西盡吐谷渾高昌諸國皆臣之控弦百餘萬唐初起兵資其

兵馬前後餉遺不可勝紀突厥恃功驕倨每遣使者至長安多暴橫唐主優容之

集

覽突厥注見梁武帝大同十一年契丹注見晉安帝義熙二年室韋契丹之別種丁零

之苗裔地據黃龍北傍徭越河共有七姓室或作失吐谷渾注見晉元帝建武元年高宗

注見宋文帝元嘉十九年質實控弦注見漢帝

唐定律令置學校

命裴寂劉文靜等修律令行之置國子太學四門生三百餘員郡縣學亦置生員

發明

秦人焚書坑儒至漢始開學校隋人廢黜儒學至唐始置學校吾道固不

興

甫正位而即置學此王業之基

世民忽稱
趙公豈誤
耶宜作秦

進

以是而隆汗而漢唐之所以立國者則有其本矣故特書之

六月唐以趙公世民為尚書令裴寂為右僕射

知政事劉文靜為納言竇威蕭瑀為內史令

唐主待裴寂特厚群臣莫及日賜御膳言無不從稱為裴監而不名委蕭瑀以庶政事無大小莫不關掌瑀亦孜孜盡力繩違舉過人皆憚而毀之瑀終不自理嘗有敕不時宣行唐主責之瑀對曰大業之世內史宣敕或前後相違有司不知所從今王業經始事繫安危故臣每受一敕必勘審使與前敕不違始敢宣行稽緩之愆實由於此唐主曰卿用心

發

如此吾復何憂唐主每視事自稱名引貴臣同榻而坐劉文靜諫曰貴賤失位非常久之道唐主曰諸公皆名德舊齒平生親友宿昔之歡何可忘也胡氏曰裴劉皆非宰相才一時起事同謀次第至此耳然自二人長短論之文靜智計出寂右建義之舉又文靜先言而高祖待寂特厚者寂之為人宜於高祖而文靜之為人合於太宗也夫高祖不取磊落奇士而眷眷於私暱狎比之徒久而不忘故唐室初政無足觀者人主之職亦論相而止矣

質實 孜孜不倦貌磊落注見晉成帝咸和七年

唐立四親廟

通鑑綱目

卷三十一 隋恭帝侑義寧二年

正編

正編

追尊皇高祖熙曰宣簡公、皇曾祖天賜曰懿王、皇祖虎曰景皇帝、廟號太祖、皇考昞曰元皇帝、廟號世祖、妣皆為后、謚妃竇氏曰穆皇后、每歲祀昊天上帝、皇地祇、神州地祇、以景帝配、感生帝明

集覽 昊天上帝、周禮大宗伯堂以元帝配、以禋祀祀昊天上帝、鄭司農云、昊天上帝、玄天也、昊天上帝、樂以雲門、鄭玄謂昊天上帝、冬至於圖丘所祀、天皇大帝也、皇地祇、注見漢後主建興十五年、神州地祇、神州注見晉懷帝永嘉五年、景帝配、唐高祖之祖名虎、追謚景皇帝、王者必以其祖同祭於天尊之也、感生帝明堂、唐禮樂志、正月上辛祈穀、祀感生帝于南郊、季秋祀五方天帝於明堂、春秋元命包曰、天之五

帝迭王、王者之興必感其一、故祀其所感生者、如周為木德、以青帝為感生也、記大傳曰、禮不王不禘、王者禘其祖之所自出、以其祖配之、注云、凡大祭曰禘、自由也、大祭其先祖所由生、謂郊祀天也、王者之先祖皆感太微五帝之精、以王、蒼則靈威仰、赤則赤熛怒、黃則含樞紐、白則白招拒、黑則協光紀、皆用正歲之正月、郊祭之、蓋特尊焉、孝經曰、郊祀后稷、以配天、配靈威仰也、宗祀文王於明堂、以配上帝、汎配五帝也、

唐立世子建成為皇太子、世民為秦王、元吉為

齊王

考證

立世子、當作更世子、皇太子、當去皇字、○謹按凡例曰、立太子、非正統、則

立子必嫡
長此治世
之常法唐
有天下本
于秦王之
謀其功其

德皆非建
成所及奈
何拘于常
格而召喋
血之禍

通鑑綱目

卷三十一

唐

不書因事特書者去皇號是年天下凡十二國
唐雖稱帝無統之時也特書以備唐事而已故
當去皇號後立太宗時已并天下得
正統故書皇太子非抑此而尊彼也

宗室封王
者八人

發明

觀高祖之得天下大抵出於秦王也
使無秦王高祖且不得安其祿位保

其身家况有天下之大哉高祖有言今日
破家滅軀亦由汝化家為國亦由汝是則
唐三百年之基業肇於秦王其當有天下
無疑也高祖於是時蓋召建成明諭以其
基業所由興之故非世民無以有今日俾
其明白推讓則建成有讓國之美世民無

推刃之慚萬一建成不從則斷以大義封
之遐阻之地世民苦遜則質以至誠察其
由衷之言至再至三表裏面背始終無間
然後定儲貳之位必至於兩全而後已則
父子之道得兄弟之好終君臣之分定而
國家安於磐石矣惜乎計不出此厥後骨
肉相殘為古今
之大惡悲夫

秦主舉侵唐涇州

質實

涇州注見漢光武
建武元年安定

○唐

以永安王孝基為陝州總管

質實

永安縣名注
見周赧王三

十年陝州注見周

顯王四十五年

通鑑綱目

卷三十一

隋恭帝侑義寧二年

唐

正編

時邊要州皆置總管府以統數州之兵

唐廢隋帝侑為鄒國公而選用其宗室

詔曰近世已來時運遷革前代親族莫不誅夷與亡之効豈伊人力其隋蔡王智積等子孫並付所司量才選用范氏曰商之孫子侯服于周誅其罪人之身而立其子天下公義也况宗族乎高祖始即位而錄隋子孫由漢以來最為忠厚其享國長世宜哉

集覽

鄒玄圭反說文東海之邑按杜預注紀地也在齊國東平縣昔紀季以鄒入齊今鄒亭是侯服于周詩大雅文王篇商之孫子其麗不億上帝既命侯于周服文公集傳曰商之孫

聖德

子其數不止於億然以上帝之命集於文王而今皆維服于周矣

書法

侑自立為皇帝每事書唐而已未嘗有帝也此則曷為以隋帝書罪唐也

不宜立而立之既已立之而又廢之斯唐罪矣故雖夷隋列國而於侑特書帝焉所以正罪唐也曷為名侑別於侗也然則書選用其宗室何予存厚也自蕭道成弑汝陰王滅其族是後廢主之族無得免者唐於楊氏不惟不忍加害又選用焉可謂厚矣書廢隋帝侑罪之也書選用其宗室予之也故書而以殊之唐事至是始有可書者矣

發明 書廢隋帝為國公，則未免襲近世之跡。書選用其宗室，則大非近代之比矣。享國久長，年幾三百，宜哉。

唐以孫伏伽為治書侍御史

萬年縣法曹孫伏伽上表曰：隋以惡聞其過，亡天下，故陛下得之。然陛下徒知得之之易，而未知隋失之之難也。謂宜易其覆轍，務盡下情。凡人君言動，不可不慎。陛下今日即位，而明日有獻鷓鴣者，此乃少年之事。豈聖主所須哉？又百戲散樂，亡國淫聲。近太常於民間借婦女裙襦以克妓衣，擬五月五日玄武門遊戲，此亦非所以為子孫法也。夫善惡

之習，漸染易移。太子諸王參僚左右，宜謹擇其人。有門風不睦，素無行義，專好奢靡，以聲色遊獵為事者，皆不可近。自古骨肉乖離，以至敗亡，未有不因左右離間而然也。唐主大悅，下詔褒稱，擢為治書侍御史，賜帛三百匹。仍頒示遠近。范氏曰：天下之勢，如人一身，必氣血周流，無壅而後能存。諫者使下情上通，上意下達，如血氣之周流於一身也。故言路開則治，言路塞則亂。高祖鑒隋之所以亡，首開言路，可謂知先務矣。是以民知上之憂已，而疾痛將有所赴愬也。唐室之興，不亦宜乎。

質實

萬年縣注見漢高帝十年孫伏

伽人

書法

書美從善也高祖初政即有此書可謂知務矣

唐竇威卒以竇抗陳叔達為納言○魏公密敗

宇文化及於黎陽奉表降隋

東都聞宇文化及西來上下震懼有蓋琮者上疏請說李密與之合勢以拒化及元文都盧楚以為然使琮齎勅書賜密化及引兵北趨黎陽李密將徐世勣先據黎陽畏其軍鋒西保倉城化及渡河保黎陽分兵圍世勣密壁於清淇與世勣以烽火相應深溝高壘不與戰密與化及隔水而語數之曰卿本匈奴皂隸世受隋恩主上失德不能死諫反行弑

逆天地所不容將欲何之化及默然良久大言曰與爾論相殺事何須作書語邪乃盛修攻具以逼倉城世勣擊敗之密畏東都議其後見蓋琮至大喜遂上表乞降請滅化及以贖罪隋主引見其使冊拜密太尉尚書令封魏公俟平化及入朝輔政元文都等喜於和解於上東門置酒作樂王世充作色曰朝廷官爵乃以與賊其志欲何為邪文都等亦疑世充欲以城應化及由是有隙七月李密悉以精兵東擊化及化及食盡入汲郡求軍糧又遣使拷掠東郡吏民以責米粟王軌等不堪其弊詣密請降化及大懼引餘眾二萬北趨魏縣密知其無能為西還鞏洛留徐世勣以備之蘇威在東都亦詣密降密虚心禮之

威初不言帝室艱難惟再三舞蹈稱不圖今日復覩聖明時人鄙之

集覽

蓋琮蓋姓

也音古盍反阜隸阜昨早反左傳人有十等王臣公公臣大夫大夫臣士士臣阜阜臣與

與臣隸隸臣僚僚臣僕僕臣臺

質實

黎陽縣名注見漢成帝綏和三年清淇疑是水

名未詳處所降火注見齊高帝建元四年魏縣注見漢成帝綏和二年東郡注見恭帝侗

皇泰二年汲郡注見秦莊襄王三年

發明

世或謂密似項羽先儒固已辨之矣羽雖剽悍禍賊然志在滅秦無復回

貳密起兵不為不久乃與東都迭為勝負其非羽比甚明且密前此移檄州郡數揚

十罪至是乃反欲降隋何哉綱目前前書攻東都此書上表降隋密進退無所據矣其敗宜也

秋七月唐秦王世民與秦主舉戰于高塘敗績

薛舉進逼高塘秦王深溝高壘不與戰會得瘡疾委軍政於長史劉文靜且戒之曰薛舉

懸軍深入食少兵疲若來挑戰慎勿應也俟吾疾愈為君等破之文靜欲耀武以威之乃

陳於高塘西南恃眾而不設備舉潛師掩其後士卒死什五六大將劉弘基等皆沒世民

引還長安舉遂拔高塘文靜等皆坐除名

集覽

高塘城名在今大都路霸州保定縣

是塋之石反

正誤

高塋今按高塋地在隴西時屬薛舉與保定縣相去甚遠保定

縣乃燕南之地時為竇建德所據

質實

挑戰注見漢王邦四年

書法

戰而敗者文靜也書世民何已為元帥而以疾自諉喪師失地罪誰執哉直書世民與戰敗績其示為人臣子之義者明矣

隋王世充殺元文都隋主以世充為僕射魏公

密如東都不至而復

李密每戰勝輒使告捷於隋隋人皆喜世充獨曰文都輩刀筆吏耳吾觀其勢必為李密

所擒且吾軍士屢與密戰殺其父兄弟前後已多一旦為之下吾屬無類矣欲以激怒其眾文都懼謀因世充朝伏甲誅之段達以告世充世充夜勒兵襲含嘉門文都入奉隋主御殿閉門拒守世充攻太陽門得入殺盧楚隋主使人問世充稱兵何為世充下馬謝曰元文都盧楚橫見規圖請殺文都甘從刑典段達令人執送文都隋主慟哭遣之世充殺之及其諸子段達開門納世充世充悉遣人代宿衛者然後入見謝曰文都等欲召李密以危社稷疾臣違異深積猜嫌迫於揀死不暇聞奏被髮為誓詞淚俱發隋主以為誠以世充為左僕射總督內外諸軍事世充移居尚書省使兄世揮入居禁中子弟咸典兵

隋 徐文遠忠

馬隋主拱手而已密將入朝至温聞變而還初密獲東都國子祭酒徐文遠以故嘗受業備弟子禮北面拜之文遠曰將軍之志欲為伊霍以繼絕扶傾則老夫雖遲暮猶願盡力若為莽卓乘危邀利則無所用老夫矣密頓首曰願竭庸虛康濟國難此密之本志也文遠曰將軍名臣之子失塗至此若不遠而復猶不失為忠義之臣密頓首受教至是密復問計文遠曰世充亦門人也其人殘忍必有異圖將軍前計為不諧矣非破世充不可入朝也

集覽

温注見周赧王二十九年

質實

社稷注見新莽天鳳元年禁中注見

宋孝武帝大明六年伊霍謂伊尹霍光莽卓謂王莽董卓

餘

唐詔廢隋離宮

質實

離宮注見煬帝大業元年

書法

前書置離宮此書廢離宮十四年間一置一廢世主亦可以鑒矣

○長樂王建德定都樂壽

初隋河間郡丞王琮守郡城建德攻之歲餘不下琮聞煬帝凶問帥吏民發喪建德遣使弔之琮乃降建德退舍待之琮言及隋亡俯伏流涕建德亦為之泣諸將請烹之建德曰琮忠臣也吾方賞之以勸事君柰何殺之往在高雞泊為盜容可妄殺人今欲安百姓定天下豈得害忠良乎以琮為瀛州刺史於是河北郡縣聞之爭附於建德先是建德陷景

城執戶曹張玄素將殺之縣民千餘號泣請代其死曰戶曹清慎無比殺之何以勸善建德釋之以為治書侍御史固辭及聞江都敗以為黃門侍郎玄素乃起饒陽令宋正本博學有才氣說建德以定河北之策建德引為謀主定都樂壽備置百官

集覽

瀛州

禹貢冀州之域秦置邯鄲郡漢為河間郡隋唐為瀛州宋陞河間府境內有瀛山高數百丈景城唐改滄州今屬河間府饒陽注見漢帝玄更始二年樂壽漢樂壽縣武帝封河間獻王之子禮為樂壽侯即此今獻州理樂壽縣屬河間府城南六十里有樂壽巖

質

實

河間郡注見漢帝玄更始二年一統志云高雞泊在大名府界唐中和中宰相王鐸

出為義昌節度過大名樂彥禎子從訓利其裘馬妾侍伏兵於高雞泊劫鐸及家屬吏佐三百餘人皆遇害時朝廷微弱不能治其冤即此瀛州注見漢帝玄更始二年河間景城漢之縣名屬渤海郡東漢省後魏徙咸平縣治此隋改曰景城縣屬瀛州唐屬滄州後省之故城在河間府獻縣界張玄素蒲州虞鄉人樂壽縣名注見恭帝侗皇泰元年

